

台誥
洛誥
多士
無逸
君奭
蔡仲之命

書傳八

書傳大全卷之八

召誥

左傳曰武王克商遷九鼎于洛邑史記載武王言我南望三途北望嶽鄙顧詹有河粵詹洛伊毋遠天室營周居于洛邑而後去則宅洛者武王之志周公成王成之召公實先經理之洛邑既成成王始政召公因周公之歸作書致告達之於王其書拳拳於歷年之久近反覆乎夏商之廢興究其歸則以誠小民為

祈天命之本以疾敬德為誠小民之本
一篇之中屢致意焉古之大臣其為國
家長遠慮蓋如此以召公之書因以召

誥名篇今文古文皆有問周誥辭語艱澀如何看朱子曰

曰此等是不可曉林氏說艾軒以為方言曰只是古語如此竊意當時風俗恁

地說話人便都曉得如此這物事喚做這物事今風俗不喚做這物事便曉不得

如蔡仲之命君牙等篇乃當時與士大夫語似今翰林所作制誥之文故甚易

曉如誥是與民語乃今官司行移曉諭文字有帶時語在其中今但曉其可曉

者不可曉處則闕之可也如詩景真維河上下文皆易曉却此一句不可曉又

如三壽作朋三壽是何物歐陽記古語亦有三壽之說想當時自有此般說話

人都曉得只是今不可曉。王氏曰洛者天下之中以天事言則日東景夕多風日西景朝多陰日南景短多暑日北景長多寒以人事言則四方朝聘貢賦道里均焉非特如此而已懲三監之難必殷頑民遷以自近洛距妹邦為近則易使之遷作王都焉則易以鎮服也。然鎬京宗廟社稷官府宮室具在不可遷也。故於洛邑會諸侯而巳。陳氏大猷曰成王實都鎬京特往來朝諸侯祀清廟於洛故鎬京謂之宗周以其為天下所宗也。洛邑謂之東都又謂之成周以周道成於此也。洛邑天下之至中鎬天下之至險成王於洛邑定鼎以朝諸侯所以承天地冲和之氣宅土中以莅四海其示天下也公於鎬京定都以壯基本所以據天下形勝處上游以制六合其慮天下也遠漢唐並建兩京蓋亦識形勢之所在而有得於成王周公之遺意歟。林氏曰周自后稷始封於

郤在漢右扶風葉縣夏后政衰稷之子
不窋出奔於戎狄之間至孫公劉始立
國於豳在恂邑豳鄉十世至太王避狄
人遷於岐山之下在羗陽縣岐山文王
遷於豐在鄠縣東豐水武王遷于鎬在
長安西南昆明池所謂鎬池也岐在郇
西北四百里豳又在岐西北四百餘里
豐在岐山東南一百餘里鎬在豐東二
十五里○新安陳氏曰宅洛之事武王
志之成王述之上告祖廟迭啓大臣一
日而建千萬年宅中圖大之基謹重如
此以至於召公因周公之歸而作誥以
告王序不及之何也宅中圖大固難保
大定功尤難王之在豐召之相宅固見
宅中圖大之難矣召公拳拳以敬德永
命戒王敬不敬之異效凡七言之至謂
不敬德則必墜厥命其辯甚
危見保大定功之尤難也

惟二月既望越六日乙未王朝步自周則至于

豐

日月相望謂之望既望十六日也乙未二十

一日也周鎬京也去豐二十五里文武廟在

焉成王至豐以宅洛之事告廟也朱子曰豐鎬去洛邑

三百里長安所管六百里王畿千里亦有橫

長處非若今世畫圖之為方也恐井田之制

亦是此類此不可執畫方之圖以定之○或

問周都豐鎬則王畿之內當有西北之戎如

此則稍甸縣都如之何其可為也曰周禮一

書聖人作為一代之法爾到不可用法處聖

人須別有權變之道○王氏曰以肫望明魄

紀月以甲子紀日書法也○林氏曰漢志曰

周公攝政七年二月

乙亥朔庚寅既望

惟太保先周公相宅越若來三月惟丙午肫越

三日戊申太保朝至于洛卜宅厥既得卜則經營

成王在豐使召公先周公行相視洛邑越畧
來古語辭言召公於豐迤邐而來也臆孟康
曰日出也三日明生之名戊申三月五日也
卜宅者用龜卜宅都之地既得吉卜則經營

規度其城郭宗廟郊社朝市之位

林氏曰漢志曰三月

甲辰朔三日丙午

越三日庚戌太保乃以庶殷攻位于洛汭越五日
日甲寅位成

庶殷殷之衆庶也用庶殷者意是時殷民已

遷于洛故就役之也位成者左祖右社前朝

後市之位成也

唐孔氏曰庚戌三月十七日甲寅三月十一日○葉氏曰

位者闢荆棘平高下以定所經營之位也庶殷所遷殷民也讎民為役則友民可知○林氏曰盤庚之遷亳太王之遷岐衛文之遷楚丘未嘗不卜然君臣既有定議故至洛乃卜洪範所以先乃心卿士庶民而後卜筮也太王聿來胥宇而後爰契我龜衛文望楚與堂而後卜云其吉皆此類也○臨川吳氏曰名公之攻位但用殷民不用周民何也蓋洛邑畿內之民不征其力諸侯四方之民又未至洛惟殷民遷在洛者可役而攻位之功力亦省且易故也

暑翼日乙卯周公朝至于洛則達觀于新邑營

周公至則徧觀新邑所經營之位

唐孔氏曰乙卯十二

日也。蘇氏曰按後篇是日再卜。呂氏曰召公已成位周公方來觀上相之體然也

越三日丁巳用牲于郊牛二越翼日戊午乃社

于新邑牛一羊一豕一

郊祭天地也故用二牛社祭用太牢禮也皆

告以營洛之事

唐孔氏曰丁巳十四日也戊午十五日也。呂氏曰郊祭

天社祭地。孔氏曰社稷共牢。馬氏曰言社則稷在其中。陳氏經曰郊不曰新邑者

郊在國外社在國內故也。王氏曰於粢以簡為誠於卑以豐為貴故郊特牲而社稷太

牢先祭告於郊社然後用工。陳氏大猷曰此蓋即洛邑新立之郊社以告作洛於天地

不告廟者在豐已告也時洛邑宗廟未成故至十二月始烝祭宗廟也

越七日甲子周公乃朝用書命庶殷侯甸男邦伯

書役書也春秋傳曰士彌牟營成周計丈數揣高低度厚薄仞溝洫物土方議遠邇量事期計徒庸慮材用書餼糧以令役於諸侯亦此意王氏曰邦伯者侯甸男服之邦伯也庶邦冢君咸在而獨命邦伯者公以書命邦伯而邦伯以公命命諸侯也唐孔氏曰甲子二十一日也書賦功屬役之書也侯甸男服之邦伯不徧舉五服者文略耳邦伯州牧也○葉氏曰不及來衛役者不以遠役衆也

厥既命殷庶庶殷丕作

丕作者言皆趨事赴功也殷之頌民若未易

役使者然召公率以攻位而位成周公用以

書命而丕作殷民之難化者猶且如此則其

悅以使民可知也

陳氏大猷曰獨言庶殷丕作則諸侯可知○林氏曰

召公營洛自戊申至甲寅七日而成周公繼

至自乙卯距甲子十日而用書庶殷丕作周

召之規模其敏如此總而計之自成王至豐

距甲子凡一月耳萬年之業成於一月之間

此豈後世可及哉○新安陳氏曰觀此則殷

民之遷在未作洛之前明矣讀此當參看洛

誥洛誥曰子惟乙卯朝至于洛師此云乙卯

周公朝至于洛其日同但洛誥言是日再卜

此不言者周公之吉卜不殊召公之吉卜也

兼洛誥自詳之此可略也乙卯至甲子十日

乙卯日卜及達觀新營丙辰不言事蓋丁巳
戊午將行郊社大禮前一日養精神以無為
也巳未至癸亥五日又不言事乃將用書命
丕作竭精神以有為也此五日中必會集臣
庶計丈數揣高卑等事役書一定然後甲子
朝頒布之洛誥脫簡之在康誥者曰惟三月
哉生魄周公初基至乃洪大誥治即是三月
十六日巳未戊午祭社後一日也曰大誥治
即用書命丕作也細而考之脗合無間誰
謂殘編斷簡不可見聖人經理之微密哉

太保乃以庶邦冢君出取幣乃復入錫周公曰
拜手稽首旅王若公誥告庶殷越自乃御事

呂氏曰洛邑事畢周公將歸宗周召公因陳
戒成王乃取諸侯贄見幣物以與周公且言
其拜手稽首所以陳王及公之意蓋召公雖

與周公言乃欲周公聯諸侯之幣與召公之
誥併達之王謂洛邑已定欲誥告殷民其根
本乃自爾御事不敢指言成王謂之御事猶
今稱人為執事也問據召誥文只說召公先
至洛而周公繼至不說成
王亦來也然召公出取幣入錫周公乃曰旅
王若公其辭又多戒成王未知如何朱子
曰此蓋因周公以告于王耳○王氏曰庶邦
冢君諸侯會于洛者洛邑成而獻幣所以為
禮且致慶也○新安陳氏曰作洛之急務在
化殷人而化殷之大本在於王身下文遂詳
言之此召公納忠之大者幣特恭敬之寓焉
耳取幣獨言庶邦而不及庶殷者蓋用書命
不作無間於庶殷而取幣陳王不及庶殷歟
篇末奉幣供王即此出取之幣前後相照應

嗚呼皇天上帝改厥元子茲大國殷之命惟王

受命無疆惟休亦無疆惟恤嗚呼曷其奈何弗敬

此下皆告成王之辭託周公達之王也曷何也其語辭商受嗣天位為元子矣元子不可改而天改之大國未易亡而天亡之皇天上帝其命之不可恃如此今王受命固有無窮之美然亦有無窮之憂於是歎息言王曷其奈何弗敬乎蓋深言不可以弗敬也又按此篇專主敬言敬則誠實無妄視聽言動一循乎理好惡用捨不違乎天與天同德固能受

天明命也人君保有天命其有要於此哉伊
尹亦言皇天無親克敬惟親敬則天與我一
矣尚何踈之有朱子曰此數句者一篇之大旨也元子者天之元子也下文至篇終反覆推衍此數句意耳○呂氏曰人君代天作子是為天之長子○西山真氏曰大明詩云天位殷適使不挾四方亦改厥元子大國殷命之意○新安陳氏曰此元子即字當與下文元子對觀元子天之元子即大君者吾父毋宗子之意此元子謂殷紂後元子謂成王天子命靡常入君所以保天命惟有敬耳昔殷元子嘗受天命矣天竟改其命而不為他日之固無窮之義然今日之受安知不敬哉此一節始日嗚呼末又日嗚呼元老不敬我此一節始日嗚呼末又日嗚呼元老大臣拳拳忠愛嗟歎以深警上心不能自已之情也至

天既遐終大邦殷之命茲殷多先哲王在天越厥後王後民茲服厥命厥終智藏癯在夫知保抱攜持厥婦子以哀籲天徂厥亡出執嗚呼天亦哀于四方民其眷命用懋王其疾敬德

後王後民指受也此章語多難解大意謂天既欲遠絕大邦殷之命矣而此殷先哲王其精爽在天宜若可恃者而商紂受命卒致賢智者退藏病民者在位民困虐政保抱攜持其妻子哀號呼天往而逃亡出見拘執無地自容故天亦哀民而眷命用歸於勉德者天

命不常如此今王其可不疾敬德乎

孔氏曰殷多先

哲王精神在天不能救者以紂不行敬故。漢上朱氏曰人之死各返其根體魄陰也故。降而在下魂氣陽也故魂散而氣在上則無不之矣。衆人欲藏之故魂散而氣不能升惟聖人清明在躬志氣如神故其死也精神在天與天為一。○袁氏曰疾敬德者更無等待遲疑只今便下手。○新安陳氏曰祖宗之不可憑藉如此言外之意蓋謂成王今日安可盡恃大王王季文武也此章言天命不可時祖宗不可恃惟敬德庶可凝固天命而迓續祖德爾敬德而言疾最有力蓋人心操則存捨則亡必緊著精神汲汲用工則莊敬日強而能敬苟悠悠玩怠則安肆日偷而不能敬矣後又言肆惟王其疾敬德一篇綱領在敬字而又在疾字

相古先民有夏天迪從子保面稽天若今時既

隆厥命今相有殷天迪格保面稽天若今時既隆厥命

從子保者從其子而保之謂禹傳之子也面鄉也視古先民有夏天固啓迪之又從其子而保佑之禹亦面考天心敬順無違宜若可為後世憑藉者今時已隆厥命矣今視有殷天固啓迪之又使其格正夏命而保佑之湯亦面考天心敬順無違宜亦可為後世憑藉者今時已隆厥命矣以此知天命誠不可恃以為安也

朱子曰此一節間有不可曉處○新安陳氏曰從其子而保之即孟

子天與子則與子之意開萬世傳子之端自
禹始故於夏言從子保而於商只言格保蒙
上文也兩面稽天若即對越在天之意
此一節蓋謂天與祖宗皆不可恃也

今冲子嗣則無遺壽考曰其稽我古人之德矧
曰其有能稽謀自天

稽考矧况也幼冲之主於老成之臣尤易踈
遠故召公言今王以童子嗣位不可遺棄老
成言其能稽古人之德是固不可遺也况言
其能稽謀自天是尤不可遺也稽古人之德
則於事有所證稽謀自天則於理無所遺無
遺壽考蓋君天下者之要務故召公特首言

之

朱子曰已陳夏商敬德隆命之所由又戒王也。新安陳氏曰老成知古又能知天

所賴以稽古道天道幸有壽耆如太公周畢諸公在不可遺也稽考古德非壽耆者聞見之遠無所質稽考天意以定謀慮非壽耆者德盛智明不能決也

嗚呼有王雖小元子哉其不能誠于小民今休王不敢後用顧畏于民畧

召公歎息言王雖幼冲乃天之元子哉謂其年雖小其任則大也其者期之辭也誠和畧險也王其大能誠和小民為今之休養乎小民雖至微而至為可畏王當不敢緩於敬德用顧畏于民之畧險可也

蘇氏曰民猶水也水能載舟亦能覆

每物無險於民者矣。新安陳氏曰：誠于小民而令休矣，猶欲王汲汲於畏民，暑者蓋民之暑，險可畏，常伏於太和，盛美之中，恃其已和且美，而不回顧却慮，以畏之，則福兮禍所伏矣。此所以為險也。是以

莊生曰：人心險於山川。

王來紹上帝，自服于土中。旦曰：其作大邑，其自時配皇天。必祀于上下，其自時中。又王厥有成命，治民今休。

洛邑天地之中，故謂之土中。王來洛邑，繼天出治，當自服行於土中。是時洛邑告成，成王始政，故召公以自服土中為言。又舉周公嘗言作此大邑，自是可以對越上天，可以饗答。

神祇自是可以宅中圖治成命者天之成命也成王而能紹上帝服土中則庶幾天有成命治民今即休養矣○王氏曰成王欲宅洛邑者以天事言則日東景夕多風日西景朝多陰日南景短多暑日北景長多寒洛天地之中風雨之所會陰陽之所和也以人事言則四方朝聘貢賦道里均焉故謂之土中

朱子

曰言王來居洛邑繼天為治服事也土中洛邑為天下中也林氏以此句王來為王亦至洛邑之驗恐未必然但王命來此定邑耳○稱周公言當作大邑而自此以祀上帝以及慎祀上下神祇又自此居中以為治則是王受天成命以治民矣蓋召公述周公宅洛之

意○陳氏大猷曰君前臣名故稱旦曰又舉
周公之言以告謂今作大邑其自是而配天
使仰無愧於天自是而祀上下使幽無愧
於鬼神自是而宅中為治使俯無愧於民王
其有成命而治民今休可也周公所期如此
之重王可不思所以稱之○新安陳氏曰作
洛之事召公任之而未嘗明言之至此方言
服于土中而舉周公之言以見作洛所以配
上帝奉祭祀成治功凝天命其重如此蓋下
文將自進其敬德祈天之忠言所以先引周
公期望之語以開其端也○陳氏雅言曰是
時召公知成王已有退辟于周之意故言此
以勸勉之也活動
之意全在來字

王先服殷御事比介于我有周御事節性惟日
其邁

言治人當先服乎臣也王先服殷之御事以

親近副貳我周之御事使其漸染陶成相觀
為善以節其驕淫之性則日進於善而不已
矣

王敬作所不可不敬德

言化臣必謹乎身也所處所也猶所其無逸
之所王能以敬為所則動靜語默出入起居
無往而不居敬矣不可不敬德者甚言德之

不可不敬也

朱子曰王敬作所不可不敬德只是一句○名誥中其初說許

多言語艱深難曉却緊要處只是惟王不可不敬德而已○林氏曰周遷殷頑民于洛蓋與洛之舊民雜居其善惡之習不同非有以和一之不能相安以處故必有以服殷御事

使之親比介助於周之御事然後可蓋周御
事習於教令無事於服之故以服殷御事為
先也然服殷御事在節其性而不已蓋人性
不善殷人持化紂之惡是以不義之習遂與
性成而忘反耳上之人有以節之使日進於
善則與周人亦何異哉然欲節民之性又在
王之所化故王又當以敬為所不可不敬德
以率之非政刑所及也○陳氏大猷曰既以
周臣率之使之相觀而善又以身敬作所不
下觀而化也○新安陳氏曰王敬作所不可
不敬德朱子本孔氏只作一句說蔡氏以所
字為句作兩句說真氏曰記以蔡說為長然
蔡說實自呂氏性流今欲節之而使其性復
於舊染而其性流今欲節之而使其性復亦
惟化之以敬德爾敬則此心收斂於天理之
所具之理也敬則此心收斂於天理之中而
性可節不敬則此心放縱於人欲之偽而性
日流日其邁即上達反天理而日進乎高明
之意也謂之不可不敬蓋敬者人心所當然
而不可不然者非有所勉強而然如飢食渴

飲之常無所為而為者也。能如是則敬盡於此而人化於彼矣。

我不可不監于有夏，亦不可不監于有殷。我不敢知曰：有夏服天命，惟有歷年；我不敢知曰：不其延，惟不敬厥德，乃早隆厥命。我不敢知曰：有殷受天命，惟有歷年；我不敢知曰：不其延，惟不敬厥德，乃早隆厥命。

夏商歷年長短，所不敢知。我所知者，惟不敬厥德，即隆其命也。與上章相古先民之意，相為出入。但上章主言天眷之不足恃，此則直言不敬德則隆厥命。爾

林氏曰：古人於天命，不以為必有，不以為

必無故召公於歷年不其延皆不敢知者疑之也至於敬德則有歷年不敬德則隆厥命蓋無可疑者

今王嗣受厥命我亦惟茲二國命嗣若功王乃初服

今王繼受天命我謂亦惟此夏商之命當嗣其有功者謂繼其能敬德而歷年者也况王

乃新邑初政服行教化之始乎

陳氏大猷曰此章言允總

切○新安陳氏曰王乃初服者善始可以占終法二國之敬德而歷年允當謹之初服也此句呂蔡以屬上章孔朱真陳以冠下章使與初生初服宅新邑為一套語亦通但此句實結上生下若生子一段議論實因此句兩申明之

嗚呼若生子罔不在厥初生自貽哲命今天其命哲命吉凶命歷年知今我初服

歎息言王之初服若生子無不在於初生習為善則善矣自貽其哲命為政之道亦猶是也今天其命王以哲乎命以吉凶乎命以歷年乎皆不可知所可知者今我初服如何爾初服而敬德則亦自貽哲命而吉與歷年矣

呂氏曰人自初生而保養乃可以全其善哲命者人心所有之明哲非自外求也○林氏曰天以正性命人初無智愚之別所以有智愚者於已取之而已下愚為自暴自棄則上智豈非自貽乎○葉氏曰哲命以哲為天所命也○新安陳氏曰按呂林皆以哲命為性

命之命然哲命之哲不應遽有性命眷命之分當以葉氏之說為正

宅新邑肆惟王其疾敬德王其德之用祈天永命

宅新邑所謂初服也王其疾敬德容可緩乎

王其德之用而祈天以歷年也

朱子曰王之初服不可不

謹其習猶子之初生不可不慎其初所教蓋習于上則智習于下則愚矣故今天命正在

初服之時敬德則哲則吉則歷年不敬則愚則凶則短折也○天無一物之不體已知我

初服宅洛矣王其可不疾敬德哉所以求天永命者只在德而已矣○陳氏曰自貽哲命

命在我也天其命哲命在天也○西山真氏曰天命至公不可以求而得也曰祈者蓋一

求用德乃不祈之祈也○呂氏曰祈永命無他術惟敬德為可耳曰祈者欲王知天命之

未定也。○新安陳氏曰：明哲之性與生俱生，初生之時，習於善則明，可作哲；習於惡則靡，哲不愚。哲則為天所命，愚則天不命焉。是自貽哲命，如所謂自求多福。此所謂無不在其初生時，自貽哲命者，王之初服亦猶是也。此一節發明王乃初服之意，蓋今日作邑而自服土中，乃所謂初服是又中天下定四海之一初也。天之所謂吉凶，判於此，王下之能敬德，祈永命與不能亦判於此。召公所以欲王秉此一初之機，而疾敬德也。疾敬德則能用德疾云者，欲其垂此機而速勉之。有今國後之用也。疾敬德者，勿失此機於今日之初而能用德。德以祈天者，可永命於千萬年之久。今此一初豈可又以悠悠失之哉！肆惟王其疾敬德，蓋申上文王其疾敬德之語，而致重復懇切之意云。

其惟王勿以小民淫用非彝，亦敢殄戮用乂民，若有功。

刑者德之反疾於敬德則當緩於用刑勿以
小民過用非法之故亦敢於殄戮用治之也
惟順導民則可有功民猶水也水泛濫橫流
失其性矣然壅而遏之則害愈甚惟順而導
之則可以成功

其惟王位在德元小民乃惟刑用于天下越王
顯

元首也居天下之上必有首天下之德王位
在德元則小民皆儀刑用德于下於王之德
益以顯矣

朱子曰其惟王勿以小民至越王
顯為一節○蘇氏曰商俗靡靡其

過用非常也久矣召公戒王勿以小民過用
非常之故亦敢於法外殄戮以治之蓋民之
有過罪實在我及其有功則王亦有德何也
王之位民德之先倡也如此則法行於天下
而王亦顯矣○陳氏大猷曰順夏商之有功
者猶上言嗣著功王位不在於土人民惟
在德元而巳德元亦猶乾元坤元之始生萬
物者也○呂氏曰以小民德元覆冒天下安可
殄戮忿嫉一生則損君德矣人君之德止於
好生元者善之長君以德元覆冒天下安可
以小民德元遂損君德○新安陳氏曰至此
則非彝之小民化為用德之小民正所謂著
順導之而有功者王翼
以尚刑不尚德為哉

上下勤恤其曰我受天命丕若有夏歷年式勿
替有殷歷年欲王以小民受天永命

其亦期之辭也君臣勤勞期曰我受天命大

如有夏歷年用勿替有殷歷年欲兼夏殷歷
年之永也召公又繼以欲王以小民受天永
命蓋以小民者勤恤之實受天永命者歷年
之實也蘇氏曰君臣一心以勤恤民庶幾王
受命歷年如夏商且以民心為天命也朱子
小民如以其師之以○林氏曰王能發德于
上而小民儀刑於下則天永命之矣所謂用
小民以受天永命也○呂氏曰召公拳拳言
小民者國之根本全在小民其興其亡不在
大族不在諸侯止在小民之身○陳氏曰小
民人所易忽澤及小民則無不及矣堯之不
虐無告文王之施仁先四者是也○新安陳
氏曰勤恤即無疆惟恤之恤上下勤勞以軫
無疆之恤惟期於兼二代之歷年非他有以
也惟欲王以小民受永命耳三節三言小民

始戒王以非彛珍戮之繼欲以元德儀刑之
末欲以之而受永命以之者何惟尚德不尚
刑知其生雖至微而關於天命者至大至久
也○西山真氏曰前言王其德之用祈天永
命此言欲王以小民受天永命蓋永命之道
無他惟脩德與愛民而已命在天於小民何
與蓋天無心以民為心耳一篇之中言敬者
凡七八日曷其奈何弗敬曰王敬作所曰不
可不敬德曰王其疾敬德兩言惟不敬厥德
乃早墜厥命曰肆惟王其疾敬德言之諄望
之切老臣事少主倦倦之心也異時成王為
守文令主而周家卜世卜年過於夏商且過
其曆然後知召公之言真人主之藥石國家
之著龜也哉○臨川吳氏曰勤恤猶帝典言
欽哉欽哉惟刑之恤欲王以小民受天永命
一語通結上三節與王其德之用祈天永命
一語相始終

拜手稽首曰予小臣敢以王之讎民百君子越

友民保受王威命明德王末有成命王亦顯我
非敢勤惟恭奉幣用供王能祈天永命

讎民殷之頑民與三監叛者百君子殷之御
事庶士也友民周之友順民也保者保而不
失受者受而無拒威命明德者德威德明也
末終也召公於篇終致敬言予小臣敢以殷
周臣民保受王威命明德王當終有天之成
命以顯于後世我非敢以此為勤惟恭奉幣
帛用供王能祈天永命而已蓋奉幣之禮臣
職之所當恭而祈天之實則在王之所自盡

也又按恭奉幣意即上文取幣以錫周公而

旅王者蓋當時成王將舉新邑之祀故召公

奉以助祭云薛氏曰先鮮民後友民者作洛

服殷御事同意○陳氏經曰保受王之威德

奉行之此臣之職也王既有成命當求所以

永命成命在今日永命在子孫保受王之威

德者臣下之所能至於祈天永命則非人臣

之所能在人君疾敬德以祈天永命我非敢

者召公不敢自以治德為功勞也至此則責

望於王之身者甚重恐成王專倚恃臣下也

我但能恭奉幣以供王慶王之能祈天永命

而已則祈天永命在王而不在此○陳

氏大猷曰篇終復總始末之要在召公矣○

讎民等保受威命明德者因庶殷侯甸和會

作洛而言敢以者自任之辭如命侯甸庶殷

即王之威命宅洛圖治即王之明德和會不

作即保受也王未有成命與上王厥有成命

相應王亦顯與上越王顯相應我非敢自居
 其勤慮王以人心已從天命已定而自足也
 惟恭奉幣指前取幣故王而言待王能祈天
 永命將以致慶而巳期望不已之意可謂婉
 而篤矣記曰頌而無諂諫而無驕召公以之
 敬德愛小民之事敬德愛小民即祈天永命
 之能也上文已盡之故於篇終特以能字該
 之○臨川吳氏曰王末有成命因上文王厥
 有成命而言顯字勤字因上文取幣旅王若公而
 勤恤而言恭奉幣因上文取幣旅王若公而
 言能祈天永命亦因上文而言以結一篇之
 意

洛誥

洛邑既定周公遣使告卜史氏錄之以
 為洛誥又并記其君臣答問及成王命

周公留治洛之事今文古文皆有○按
周公拜手稽首以下周公授使者告卜
之辭也王拜手稽首以下成王授使者
復公之辭也王肇稱殷禮以下周公教
成王宅洛之事也公明保予冲子以下
成王命公留後治洛之事也王命予來
以下周公許成王留洛君臣各盡其責
難之辭也俾來以下成王錫命毖殷命
寧之事也戊辰以下史又記其祭祀冊
誥等事及周公居洛歲月久近以附之

以見周公作洛之始終而成王舉祀發

政之後即歸于周而未嘗都洛也

朱子因讀

尚書曰其間錯誤解不得處煞多昔呂伯恭解書因問之云尚書還有解不通

處答曰無有因舉洛誥問之云據成王只使周公往營洛故佻來獻圖及卜成

王未嘗一日居洛後面如何却與周公有許多答對又云王在新邑此如何解

伯恭遂無以答後得書云誠有解不得處○洛誥之文有不可曉者其後乃言

王在新邑而其前已屢有答問之詞矣○葉氏曰此篇當與召誥參看蓋非一

時之言史取周公得卜至遣使告卜相與往來告戒本末序次之以示後世也

○王氏安石曰此諸有不可知者當缺之兩釋其可知者○新安陳氏曰此篇

大可疑者惟有公告王宅洛行祀出命之辭而不載王至洛之事與其日月觀

十二月在洛祭告命周公留治洛之事
尚謹書之則自三月後至十二月前此
數月中至洛之大事其當書也必矣又
此篇首章九句脫簡在康誥之首則首
至洛之事其脫簡又可想矣且孺子其
朋及汝惟冲子惟終等處聲牙難通又
王曰公功斐迪篤之下無周公答辭而
即又繼以王曰豈非此等處有脫簡錯
耶簡

周公拜手稽首曰朕復子明辟

此下周公授使者告卜之辭也拜手稽首者
史記周公遣使之禮也復如逆復之復成王
命周公往營成周周公得卜復命于王也謂
成王為子者親之也謂成王為明辟者尊之

也周公相成王尊則君親則兄之子也明辟者明君之謂先儒謂成王幼周公代王為辟至是反政成王故曰復子明辟夫有失然後有復武王崩成王立未嘗一日不居君位何復之有哉蔡仲之命言周公位冢宰正百工則周公以冢宰總百工而已豈不彰彰明甚矣乎王莽居攝幾傾漢鼎皆儒者有以啓之是不可以不辨○蘇氏曰此上有脫簡在康誥自惟三月哉生魄至洪大誥治四十八字

王氏安石曰復如復逆之復成王命公往營成周公得卜復命于王曰子親之也曰明辟

尊之也先儒以周公代王為辟至是反政以
書攷之周公位冢宰正百工而已未嘗代王
為辟何復之有○程子曰猶言告嗣天子王
矣○葉氏曰復如孟子有復于王之復自孔
氏以復子明辟謂周公攝而歸政之辭古今
儒者從之不敢易獨王氏以為不然世或未
之信焉以予考之周公踐天子位以治天下
初無經見獨明堂位云爾明堂位非出吾夫
子也蓋武王崩周公以冢宰攝政此禮之常
攝者攝其事非攝其位世見周公在喪之攝
不知其非以成王之幼而攝故至卜洛猶有歸
政之言則王氏之言為有證○新安陳氏曰
按王莽廢漢孺子嬰為安定公執其手流涕
曰昔周公攝位終得復子明辟今予獨迫皇
天威命不得如意蓋因孔氏釋
經之誤莽遂借此以文其姦

王如弗敢及天基命定命予乃胤保大相東土
其基作民明辟

凡有造基之而後成成之而後定基命所以
成始也定命所以成終也言成王幼冲退託
如不敢及知天之基命定命予乃繼太保而
往大相洛邑其庶幾為王始作民明辟之地
也洛邑在鎬京東故曰東土朱子曰周公不
能故言王若不敢及天之初命定命則不得
不嗣攝政事保佑王躬而相此洛邑以為王
當於此初作民主也○王氏炎曰承天命以
作新邑是謂基命都邑既成久安長治是謂
定命○葵初王氏曰朱子釋胤保不
善傳順正與太保先周公相宅合
予惟乙卯朝至于洛師我卜河朔黎水我乃卜
澗水東瀍水西惟洛食我又卜瀍水東亦惟洛

食俘來以圖及獻卜

乙卯即召誥之乙卯也洛師猶言京師也河
朔黎水河北黎水交流之內也澗水東澗水
西王城也朝會之地澗水東下都也處商民
之地王城在澗澗之間下都在澗水之外其
地皆近洛水故兩云惟洛食也食者史先定
墨而灼龜之兆正食其墨也俘使也圖洛之
地圖也獻卜獻其卜之兆辭也

張氏曰王者以民為重故

曰師。泰氏曰黎水言河朔則知澗澗皆河
南。陳氏經曰先言惟洛食即今河南後言
惟洛食即今洛陽言公於洛卜此二處也召
誥曰太保朝至于洛卜宅則卜乃召公卜今

周公曰我卜者二公同心同謀名公之卜即
周公之卜也○蘇氏曰黎水今黎陽也營洛
以處殷民民重遷以河朔為近便卜不吉然
後卜洛也○呂氏曰卜都之意主於商民先
卜河朔黎水者因其所安也意在近地者商
民之心朔黎在地中者周公之心並列二說以
聽於天而巳卜黎於先者先人後己之心也
黎既不吉改卜洛邑龜乃協從蓋周公之心
即天心也無間故無違也○史氏漸曰世或
謂周公三卜而後洛初於黎水再於澗東
西又於澗東皆不著洛初於黎豈知澗澗之東
西即洛之中也澗水之東即洛之偏也同名
為洛而王城頌民之居不同非洛自為洛澗
澗自為澗澗洛邑居天下之不同非伊洛澗
周流於其間天子南嚮則澗澗之中伊洛澗
水在洛之左周公於澗澗之中龜兆告吉遂
營王城以建王宮定郊社宗廟是為郊鄆之
地今之河南是也又循之左越澗水之東鄆
復告吉遂營下都名曰成周又曰東郊以居
殷民今之洛陽是也二城相距蓋十有八里

○臨川吳氏曰龜卜占法今不傳據褚少孫所錄在史記龜策傳者每一事有一占法各不同疑卜宅之占以兆食墨而明為吉不食則其兆曖昧非吉兆也先卜黎陽不吉乃卜洛邑二處而龜兆皆食其墨也

王拜手稽首曰公不敢不敬天之休來相宅其作周匹休公既定宅俾來來視予卜休恒吉我二人共貞公其以予萬億年敬天之休拜手稽首誨言

此王授使者復公之辭也王拜手稽首者成王尊異周公而重其禮也匹配也公不敢不敬天之休命來相宅為周匹休之地言卜洛

以配周命於無窮也視示也示我以上之休
美而常吉者也二人成王周公也貞猶當也
十萬曰億言周公宅洛規模宏遠以我萬億
年敬天休命故又拜手稽首以謝周公告卜

之誨言

朱子曰拜受公言猶禹之拜昌言也
呂氏曰營洛實配宗周其作我周

匹休之地匹者對宗周之辭以予者使之之
辭倚之者甚重而望之者甚長也○或曰王

不在洛言來者順公所在而言○王氏十朋
曰詩之作豐伊匹與此匹休同意○夏氏曰

貞如厥賦貞之貞謂相當也王欲與公共當
吉祥○王氏曰言宅洛之事定矣公當以予

永遠敬天之休以承此休常吉之卜也○新
安陳氏曰視與示同古通用漢書凡示字例

作視十萬曰億泰誓又云百萬曰億不同何
也詩永三百億鄭注十萬曰億毛公萬萬曰

億孔疏今元章筭術皆以萬萬為億鄭以古
數言之韋昭注楚語曰十萬曰億古數也秦
始以萬萬為億百
萬為億未見所本

周公曰王肇稱殷禮祀于新邑咸秩無文

此下周公告成王宅洛之事也殷盛也與五
年再殷祭之殷同秩序也無文祀典不載也
言王始舉盛禮祀于洛邑皆序其所當祭者
雖祀典不載而義當祀者亦序而祭之也呂
氏曰定都之初肇舉盛禮大饗羣祀雖祀典
不載者咸秩序而祭之有告焉有報焉有祈
焉始建新都昭假上下告成事也兩暘時晷

大役以成報神賜也自今以始永奠中土祈
鴻休也後世不知祭祀之義鬼神之德觀周
公首以祀于新邑為言若濶於事情者抑不
知人主臨鎮新都之始齊被一心對越天地
達此精明之德放諸四海無所不準而助祭
諸侯下逮胞翟之賤亦皆有孚顙若收其放
而合其離蓋格君心萃天下之道莫要於此
宜周公以為首務也

朱子曰自此以下漸不可曉蓋不知是何時所

言傳疏以為王與公俱在洛對問之言葉氏以為王得卜而至於洛既祭復歸鎬因留周公居守而周公有此言皆不可考然葉氏說後數章貫穿今從之○復齋董氏曰易曰殷薦

予齊百工倅從王于周予惟曰庶有事

周公言予整齊百官使從成王于周謂將適

之上帝禮有殷祭殷奠皆取殷盛之義○新
安陳氏曰王氏謂此殷禮疑即篇末十二月
戊辰之祭史述其語於前而記其事於後也
竊意十二月之祭不過以前而記其事於後也
就冬烝以告文武耳此曰殷禮曰秩無文乃
非常盛禮豈十二月之祀足當之三月後
以至十一月王必當親至洛行大祀禮今脫
去矣自此下至無遠用戾乃洛邑既成公自
洛歸鎬告王以宅洛所當行之事及欲退老
之辭也肇稱殷禮以下乃周公至鎬請王往
新邑舉祀禮及朝諸侯證之名誥公至洛定
宅後當還鎬京觀召公取諸侯之幣錫公由
公以達王則可見矣孺子其朋以下必有訛
誤脫簡漏却王祀新邑必在此處無疑也况
梓材庶邦享集丕享等語其為敬識百
辟享之上下文脫簡在彼尤為顯然乎

洛時也予惟謂之曰庶幾其有所事乎公但

微示其意以待成王自教詔之也夏氏曰王祭于新邑

我則整齊百官使從王往新邑惟謂百官言汝從王而往庶幾必有事於周欲禮樂自天

子出也○新安陳氏曰周公言我今整齊共營洛之百官使從王于宗周我惟謂之曰王

庶幾將適新邑而有事乎國之大事在祀與戎故古人於祭祀皆曰有事公但微示王將

行祀事於洛之意於百官以待王之自教詔之也

今王即命曰記功宗以功作元祀惟命曰汝受

命篤弼

功宗功之尊顯者祭法曰聖王之制祭祀也

法施於民則祀之以死勤事則祀之以勞定

國則祀之能禦大災則祀之能捍大患則祀之蓋功臣皆祭於大烝而勲勞之最尊顯者則為之冠故謂之元祀周公教成王即命曰記功之尊顯者以功作元祀矣又惟命之曰汝功臣受此褒賞之命當益厚輔王室蓋作元祀既以慰答功臣而又勉其左右王室益

圖久大之業也

呂氏曰洛邑既成周業既定論創業之勲不可後也功臣

之冠天下觀瞻鎮服羣下實繫此舉論功莫先於宗言宗則凡功臣可得而推矣報功莫重於祀言祀則凡慶賞可得而推矣

丕視功載乃汝其悉自教工

不大視示也功載者記功之載籍也大視功
載而無不公則百工效之亦皆公也大視功
載而或出於私則百工效之亦皆私也其公
其私悉自汝教之所謂乃汝其悉自教工也
上章告以褒賞功臣故戒其大視功載者如

此

朱子曰今王乃命曰我嘗記人之功而尊之又以此功因新邑殷祀而告之神明矣

○吳氏曰已死者祀之其生者則載以旌賞之○新安陳氏曰公因告王今當即出命曰新邑之祀將記錄創業功臣之宗勲勞最顯者以其功列之大祀使與享矣又當專命羣臣曰汝之受命而能厚輔王室者亦將大視其功而紀載之於冊書以功作元祀者所以報功臣於既往不視功載者所以勵功臣於方來載之今日又當祀之後日也公又謂王

言上即命惟命二說乃汝其悉自教詔於百
工其機雖自公裁之其教當自王出之也

孺子其朋孺子其朋其往無暑火始燄燄厥攸
灼叙弗其絕

孺子稚子也朋比也上文百工之視倣如此
則論功行賞孺子其可少徇比黨之私乎孺
子其少徇比黨之私則自是而往有暑火然
始雖燄燄尚微而其灼爍將次第延藝不可
得而撲滅矣言論功行賞徇私之害其初甚
微其終至於不可遏絕所以嚴其辭而禁之
於未然也

朱子曰周公言既如此則孺子往
矣燄火始然尚微而方進之貌灼

焚也叙次第也○林氏曰如漢之朋黨始於牛李其終摺紳

甘陵南北部唐之朋黨始於牛李其終摺紳

陰炭是也

厥若彝及撫事如予惟以在周工往新邑倅嚮
即有僚明作有功惇大成裕汝永有辭

其順常道及撫國事常如我為政之時惟用

見在周官勿參以私人往新邑使百工知上

意嚮各就有僚明白奮揚而赴功惇厚博大

以裕俗則王之休聞亦永有辭于後世矣朱子

日戒成王歸宗周其所順之常道及撫臨衆

者習於事當惟用此在周百工皆我所總齊
惇大之道以成寬裕之政則汝亦長有寬裕

之辭於後世矣言往者如云來相宅順王所
在而言趨事赴功常失之急薄故又言惇大
成裕以救其失○呂氏曰漢文近於惇大成
裕而無所謂明作有功漢宣近於明作有功
而無所謂惇大成裕○新安陳氏曰彰明振
作以有功績而又惇厚廣大以成寬裕是立
精明之治功而存
渾厚之治體也

公曰已汝惟冲子惟終

周之王業文武始之成王當終之也此上詳
於記功教工內治之事此下則統御諸侯教

養萬民之道也

朱子曰周公言已矣乎汝成
王惟冲子當惟其終猶伊尹

言慎厥
終也

汝其敬識百辟享亦識其有不享享多儀儀不

及物惟曰不享惟不役志于享凡民惟曰不享
惟事其爽侮

此御諸侯之道也百辟諸侯也享朝享也儀
禮物幣也諸侯享上有誠有偽惟人君克教
者能識之識其誠於享者亦識其不誠於享
者享不在幣而在於禮幣有餘而禮不足亦
所謂不享也諸侯惟不用志於享則國人化
之亦皆謂上不必享矣舉國無享上之誠則
政事安得不至於差爽僭侮隳王度而為叛
亂哉人君可不以敬存心辨之於早察之於

微乎

朱子曰享朝而幣以幣享王誠以奉上之

心以為可以幣交也曰吾幣足矣何以禮為
如是者猶不享也○蘇氏曰小人賄以幣恐其
必簡於禮公戒王責諸侯以禮不以幣恐其
役志乎物而不役志于禮則諸侯慢而王室
輕矣此治亂之本故公特言之春秋傳曰晉
趙文子為政薄諸侯之幣而重其禮晉穆叔
曰自今已往兵其少弭矣夫以列國之卿輕
幣重禮猶足以弭兵王而賄其致寇也必矣
唐之衰君相皆可以賄取方鎮爭貢羨餘行
苞苴而天子始失其政以至於亡周公之戒
至矣○新安陳氏曰此因將往新邑朝諸侯
而言亦因召公取諸侯之幣旅王而言也

乃惟孺子頌朕不暇聽朕教汝于棐民彛汝乃
是不覆乃時惟不永哉篤叙乃正父罔不若予
不敢廢乃命汝往敬哉茲予其明農哉彼裕我

民無遠用戾

此教養萬民之道也。頒朕不暇，未詳。或曰：成王當頒布我汲汲不暇者，聽我教汝，所以輔民常性之道。汝於是而不勉焉，則民彝泯亂，而非所以長久之道矣。正父武王也，猶今稱先正云者，篤者篤厚而不忘，叙者先後之不紊。言篤叙武王之道，無不如我，則人不敢廢汝之命矣。呂氏曰：武王沒，周公如武王，故天下不廢周公之命。周公去，成王如周公，則天下不廢成王之命。戾至也，王往洛邑，其敬之

哉我其退休田野惟明農事蓋公有歸老之志矣彼謂洛邑也王於洛邑和裕其民則民

將無遠而至焉

朱子曰周公戒成王使聽我教汝以輔民常性之道若汝

不勉則不能永保天命也然則所以輔民常性者惟在乎勉而已篤叙汝武王之所行無

不如此予之所以厚叙者一陳氏經曰汝當頌我前日未暇為之事一行之○息齋余氏

日說命先正訓為先世長官之臣此指武王而引先正為比何也或曰武王撥亂反正故

稱正父○新安陳氏曰此一節除汝往教茲予其明農我二句外皆不可曉皆當缺之

味此二句可見公時在鎬欲王往新邑而已將退老也此章之下當必有公從王至新邑

舉祀叢命之事而今缺矣

王若曰公明保予冲子公稱丕顯德以予小子

揚文武烈奉答天命和恒四方民居師

此下成王答周公及留公也大抵與上章參

錯相應明顯明之也保佑之也稱舉也和

者使不乖也恒者使可久也居師者宅其衆

也言周公明保成王舉大明德使其上之不

忝於文武仰不愧天俯不忤人也朱子曰居

定民居也○新安陳氏曰此王既至洛舉祀

後與公言將留公治洛先叙述公之功德以慰藉之也

惇宗將禮稱秩元祀咸秩無文

宗功宗之宗也下文宗禮同將大也孔氏曰厚尊大

禮舉秩大祀○新安陳氏曰此蓋王述已行之事之辭即荅公所謂王肇稱殷禮祀于新邑咸秩無文也

惟公德明光于上下勤施于四方旁作穆穆迓衡不迷文武勤教予冲子夙夜毖祀

旁無方所也因上下四方為言穆穆和敬也迓迎也言周公之德昭著於上下勤施于四方旁作穆穆以迎治平不迷失文武所勤之教於天下公之德教加於時者如此予冲子夫何為哉惟早夜以謹祭祀而已蓋成王知周公之退休之志故示其所以留之之意也

朱子曰穆穆和敬之貌天子之容旁作謂周公輔成已德以迎迓太平之治而不迷於先王之教以迓之已陳氏大猷曰不日已太平方且和豐豐方進之意盈而不治也使以爲既平則無則我冲子政則周公成王言我歸宗周德祀祀而巳○唐孔氏曰衛獻公云政由寧氏祭則寡人亦略猶是言祭則我小子迓太平明教則化皆委重於公也○新安陳氏曰此王推美歸重於公猶欲其益因德業之盛而加自強而不怠之誠我小子但主絕而已此已示留公之意也

王曰公功斐迪篤罔不暑時

言周公之功所以輔我啓我者厚矣當常如

是未可以言去也朱子曰公之功輔導我已厚矣無不若是以上所稱

也

王曰公予小子其退即辟于周命公後

此下成王留周公治洛也成王言我退即居于周命公留後治洛蓋洛邑之作周公本欲成王遷都以宅天下之中而成王之意則未欲捨鎬京而廢祖宗之舊故於洛邑舉祀穀政之後即欲歸居于周而留周公治洛謂之後者先成王之辭猶後世留守留後之義先儒謂封伯禽以為魯後者非是攷之費誓東郊不開乃在周公東征之時則伯禽就國蓋已久矣下文惟告周公其後其字之義益可

見其為周公不為伯禽也

朱子曰上王文王曰

疑有缺文成王言我當歸即政于宗周而命

公留于洛猶唐節度留後之意○史丞相說

書亦有奸處如命公後眾說亦皆云命伯禽

為周公之後史云成王既歸命周公在後看

意○定予往已一言便見得是周公旦在後之

帥○後管蔡等反淮夷徐戎亦並興於是伯禽

退○新安陳氏曰成王自謂其退即辟于周味

邑言故以還歸宗周為退邑可知據身洛

述往返語勢之當然耳先儒於此皆忽之故

四方迪亂未定于宗禮亦未克救公功

宗禮即功宗之禮也亂治也四方開治公之

功也未定功宗之禮故未能救公功也救功者安定其功之謂即下文命寧者也

朱子曰迪順也

四方雖已順治猶未定于尊公之禮未有以撫治公之功

迪將其後監我士師工誕保文武受民亂為四輔

將大也周公居洛啓大其後使我士師工有所監視大保文武所受於天之民而治為宗周之四輔也漢三輔蓋本諸此今按先言啓大其後而繼以亂為四輔則命周公留後於洛明矣

朱子曰周公在後監我百官士也師也工也四輔猶四鄰○新安陳氏曰

王制曰設四輔及三公四輔左輔右弼前疑
後丞也引王制之四輔解此四輔亦與朱子
四鄰之說合王以治為四輔之大臣望公下
文公以治為四方之新辟望王君臣交相期
也望

王曰公定予往已公功肅將祗歡公無困哉我
惟無斁其康事公勿替刑四方其世享

定爾雅曰止也成王欲周公止洛而自歸往
宗周言周公之功人皆肅而將之欽而悅之
宜鎮撫洛邑以慰懌人心毋求去以困我也
我惟無厭其安民之事公勿替所以監我士
師工者四方得以世世享公之德也吳氏曰

前漢書兩引公無困哉皆以我作我當以我

為正

朱子曰此王與公決而歸之言也公定居洛予往歸周已公無困哉言公無以

事自困猶漢所謂閔勞公以官職之事也我則當無厭倦於安國安民之事公但勿廢其所以儀刑四方者則四方其世享矣○一說世享世世尊享我周無困勿替皆欲公留而勿去之意○新安陳氏曰此章之上必有公答王之辭蓋不許王留後之請也所以王言公止我往歸周矣公無困我是以不許留為困之其辭危勿替刑以下其望遠又上章言予冲子夙夜匪懈成王全倚重於公而已僅主祭宜公未許留至此曰我惟無倦於康安之事是王能以安天下自任而不全倚於公宜公下章幡然許留也

周公拜手稽首曰王命予來承保乃文祖受命

民越乃光烈考武王弘朕恭

此下周公許成王留等事也來者來洛邑也
承保乃文祖受命民及光烈考武王者答誕
保文武受民之言也責難於君謂之恭弘朕
恭者大其責難之義也

陳氏曰弘大
我事君之恭

孺子來相宅其大惇典殷獻民亂為四方新辟
作周恭先曰其自時中又萬邦咸休惟王有成
績

典典章也殷獻民殷之賢者也言當大厚其
典章及殷之獻民蓋文獻者為治之大要也
亂治也言成王於新邑致治為四方新主也

作周恭先者人君恭以接下以恭而倡後王也公又言其自是宅中圖治萬邦咸底休美則王其有成績矣此周公以治洛之效望之成王也

新安陳氏曰孺子來相宅乃公述王

王之先以恭而率先後之為王者也曰者公期望於王之辭其自時中又其即將然之辭也

予旦以多子越御事篤前人成烈答其師作周孚先考朕昭子刑乃單文祖德

多子者衆卿大夫也唐孔氏曰子者有德之稱大夫皆稱子師衆也周公言我以衆卿大

夫及治事之臣篤厚文武成功以答天下之
衆也孚信也作周孚先者人臣信以事上以
信而倡後人也考成也昭子猶所謂明辟也
親之故曰子刑儀刑也單殫也言成我明子
儀刑而殫盡文王之德蓋周公與羣臣篤前
人成烈者所以成成王之刑乃殫文祖德也

此周公以治洛之事自效也

新安陳氏曰作周孚先為周家

孚信之臣之先以信而率先後之為臣者也
亂為四方新辟當與亂為四輔對觀作周孚
先當與作周恭先對觀蓋公與王交相期望
各盡責任之辭也○陳氏大猷曰此處上下

疑有
缺文

俾來毖殷乃命寧享絕句以秬鬯二卣曰明禋拜
手稽首休享

此謹毖殷民而命寧周公也秬黑黍也一稗
二米和氣所生鬯鬱金香草也卣中尊也明
潔禋敬也以事神之禮事公也蘇氏曰以黑
黍為酒合以鬱鬯所以裸也宗廟之禮莫盛
於裸王使人來戒勅庶殷且以秬鬯二卣綏
寧周公曰明禋曰休享者何也事周公如事
神明也古者有大賓客以享禮禮之酒清人
渴而不飲肉乾人飢而不食也故享有體薦

豈非敬之至者則其禮如祭也歟

新安陳氏曰寧如歸

寧父母之寧曰明經拜手稽首休享者迷王命使之辭曰此明潔以經祀之酒今拜稽而致休美以享公焉敬之至者其禮如祭傳曰享有體薦一證也記曰君子敬則用祭器又

爭不敢宿則經于文王武王

宿與顧命三宿之宿同經祭名周公不敢受

此禮而祭於文武也

息齋余氏曰顧命宿訓為進爵孔氏說也唐孔

氏申其義以為進爵於神前

惠篤叙無有違自疾萬年厭于乃德殷乃引考

此祭之祝辭周公為成王禱也惠順也篤叙

與篤叙乃正父同順篤叙文武之道身其康

強無有遘遇自罹疾患者子孫萬年厭飽乃

德殷人亦永壽考也

陳氏大猷曰惠順文
武之道篤叙而行之

王伋殷乃承叙萬年其永觀朕子懷德

承聽受也叙教條次第也王使殷人承叙萬

年其永觀法我孺子而懷其德也蓋周公雖

許成王留洛然且謂王伋殷者若曰遷洛之

民我固任之至於使其承叙萬年則實繫于

王也亦責難之意與召誥末用供王能祈天

永命語脉相類

張氏曰觀此書周公不敢當
成王拒絕之禮則天子之禮

樂公其敢當乎所以春秋於魯之郊禘皆貶其僭則成王之賜伯禽之受其失可見豈周公之所敢安乎

戊辰王在新邑烝祭歲文王騂牛一武王騂牛一王命作冊逸祝冊惟告周公其後王賓殺鯀咸格王入太室裸

此下史官記祭祀冊誥等事以附篇末也戊辰十二月之戊辰日也是日成王在洛舉烝祭之禮曰歲云者歲舉之祭也周尚赤故用騂宗廟禮太牢此用特牛者命周公留後於洛故舉盛禮也逸史佚也作冊者冊書也逸

祝冊者史逸為祝冊以告神也惟告周公其
後者祝冊所載更不他及惟告周公留守其
後之意重其事也王賓猶虞賓杞宋之屬助
祭諸侯也諸侯以王殺牲禋祭祖廟故咸至
也太室清廟中央室也裸灌也以圭瓚酌秬
鬯灌地以降神也

王命周公後作冊逸誥在十有二月

逸誥者史逸誥周公治洛留後也在十有二
月者明戊辰為十二月日也

惟周公誕保文武受命惟七年

吳氏曰周公自留洛之後凡七年而薨也成王之留公也言誕保文武受民公之復成王也亦言承保乃文祖受命民越乃先烈考武王故史臣於其終計其年曰惟周公誕保文武受命惟七年蓋終始公之辭云

多士

商民遷洛者亦有有位之士故周公洛邑初政以王命總呼多士而告之編書者因以名篇亦誥體也今文古文皆有○吳氏曰方遷商民于洛之時成周未

作其後王與周公患四方之遠鑑三監之叛於是始作洛邑欲徙周而居之其曰昔朕來自奄大降爾四國民命我乃明致天罰移爾遐逝比事臣我宗多遜者述遷民之初也曰今朕作大邑于茲洛予惟四方罔攸賓亦惟爾多士攸服奔走臣我多遜者言遷民而後作洛也故洛誥一篇終始皆無欲遷商民之意惟周公既誥成王留治于洛之後乃曰佅來毖殷又曰王佅殷乃承叙當時商

民已遷于洛故其言如此愚謂武王已
有都洛之志故周公黜殷之後以殷民
反覆難制即遷于洛至是建成周造廬
舍定疆場乃告命與之更始焉爾此多
士之所以作也由是而推則召誥攻位
之庶殷其已遷洛之民歟不然則受都
今衛州也洛邑今西京也相去四百餘
里召公安得捨近之友民而役遠之讎
民哉書序以為成周既成遷殷頑民者
謬矣吾固以為非孔子所作也

呂氏曰
遷洛之

事名誥經營之洛誥考成之多士則慰
安之也○張氏曰周之頌民乃商之忠
臣也○王氏曰篇名多士而序以為頌
民何也在官者謂之士農工商是也此書稱
在民者謂之士農工商是也此書稱
士皆在官之殷士也且周公未始以殷
民為頌成王命君陳始有無怠疾于頌
之語夫殷民不附周謂之頌可也公於康
殷謂之頌可乎故頌之一字周公於康
誥酒誥多士多方等書未嘗出諸口也
○新安陳氏曰諸家過信小序所以
於昔朕來自奄全說不通吳蔡當矣

惟三月周公初于新邑洛用告商王士

此多士之本序也三月成王祀洛次年之三
月也周公至洛久矣此言初者成王既不果
遷留公治洛至是公始行治洛之事故謂之

初也曰商王士者貴之也孔氏曰周公致政明年三月也或曰

于於也○王氏曰殷民遷于成周從舊長所治故先告之殷士順從則殷民皆然矣

王若曰爾殷遺多士弗吊旻天大降喪于殷我

有周佑命將天明威致王罰勅殷命終于帝

弗吊未詳意其為歎憫之辭當時方言爾也

旻天秋天也主肅殺而言歎憫言旻天大降

災害而喪殷我周受眷佑之命奉將天之明

威致王罰之公勅正殷命而革之以終上帝

之事蓋推革命之公以開諭之也息齋余氏曰弗吊大

詰引不吊旻天為訓甚明○呂氏曰以天言之曰明威以人言之曰王罰○王氏曰終與

受終于文
祖之終同

肆爾多士非我小國敢弋殷命惟天不畀允罔
固亂弼我我其敢求位

肆與康誥肆汝小子封同弋取也弋鳥之弋
言有心於取之也呼多士誥之謂以勢而言
我小國亦豈敢弋取殷命蓋裁者培之傾者
覆之固其治而不固其亂者天之道也惟天
不與殷信其不固殷之亂矣惟天不固殷之
亂故輔我周之治而天位自有所不容辭者
我其敢有求位之心哉

蘇氏曰固如推亡固
存之固信矣天之固

治不固亂也。○林氏曰：告殷士以天命之公，使知殷失天命而亡，則誰能與之周得天命而興則誰能違之。

惟帝不畀，惟我下民秉為惟天明畏。

秉持也。言天命之所不與，即民心之所秉為。

民心之所秉為，即天威之所明畏者也。反覆

天民相因之理，以見天之果不外乎民民之

果不外乎天也。詩言秉彜，此言秉為者，彜以

理言為以用言也。○陳氏經曰：紂之惡至於失

德，至於下民秉為，即天命之所與。○新安陳

氏曰：既曰惟天不畀，又曰惟帝不畀，既曰將

天明威，又曰惟天明畏，反覆以天命之去留

曉殷士而潛消其覲覲猜疑之私耳。○息齋

余氏曰明畏只如
臯謨篇所訓為明

我聞曰上帝引逸有夏不適逸則惟帝降格嚮
于時夏弗克庸帝大滛洩有辭惟時天罔念聞
厥惟廢元命降致罰

引導逸安也降格與吕刑降格同吕氏曰上
帝引逸者非有形聲之接也人心得其安則
疊疊而不能已斯則上帝引之也是理坦然
亦何間於桀第桀喪其良心自不適於安耳
帝實引之桀實避之帝猶不遽絕也乃降格
災異以示意嚮於桀桀猶不知警懼不能敬

用帝命乃大肆淫逸雖有矯誣之辭而天因
念聞之仲虺所謂帝用不臧是也廢其大命

降致其罰而夏祚終矣

陳氏大猷曰天於人君常欲導之於安逸

之地如為善最樂作德日休即帝之引遠也
桀乃不適於逸自趨於危○呂氏曰天人之
際惟極乃通治極則通格于皇天是也亂極
亦通惟帝降格是也桀惡升聞故帝降格譴
告災異以示所嚮於是覆邦董子曰天心仁
愛人君必出災異以警戒之即降格之謂也
自絕于天天亦絕之國之元命猶
人之元氣有則生無則死者也

乃命爾先祖成湯革夏俊民甸四方

甸治也伊尹稱湯旁求俊彥孟子稱湯立賢
無方蓋明揚俊民分布遠邇甸治區畫成湯

立政之大經也周公反復以夏商為言者蓋
夏之亡即殷之亡湯之興即武王之興也商
民觀是亦可以自反矣

新安陳氏曰旬如
奄旬萬姓之旬

自成湯至于帝乙罔不明德恤祀

明德者所以修其身恤祀者所以敬乎神也
亦惟天丕建保乂有殷殷王亦罔敢失帝罔不
配天其澤

亦惟天大建立保治有殷殷之先王亦皆操
存此心無敢失帝之則無不配天以澤民也

薛氏曰無所不浹天之澤也王者宅天下無
彼疆此界之殊配天其澤也○新安陳氏曰

此之國不明德與下文惟天不畀不明厥德
當對觀恤祀與罔失帝配天澤皆自克明德
中來也商先王以明
德而得天命也如此

在今後嗣王誕罔顯于天矧曰其有聽念于先
王勤家誕淫厥佚罔顧于天顯民祗

後嗣王紂也紂大不明於天道況曰能聽念
商先王之勤勞於邦家者乎大肆淫佚無復
顧念天之顯道民之敬畏者也

惟時上帝不保降若茲大喪

大喪者國亡而身戮也

惟天不畀不明厥德

商先王以明德而天丕建則商後王不明德而天不畀矣

凡四方小大邦喪罔非有辭于罰

凡四方小大邦國喪亡其致罰皆有可言者

况商罪貫盈而周奉辭以伐之者乎

呂氏曰天也祖

宗也民也自古帝王所共畏也紂不聽念先王罔顧天顯民祗三畏皆亡無所不至矣○新安陳氏曰紂之衆惡皆自不明德中來其以不明德而失天命也如此

王若曰爾殷多士今惟我周王丕靈承帝事

靈善也大善承天之所為也武成言祗承上

帝以遏亂略是也

有命曰割殷告勅于帝

帝有命曰割殷則不得不戡定剪除告其勅
正之事于帝也武成言告于皇天后土將有
大正于商者是也

惟我事不貳適惟爾王家我適

上帝臨汝毋貳爾心惟我事不貳適之謂上
帝既命侯于周服惟爾王家我適之謂言割
殷之事非有私心一於從帝而無貳適則爾
殷王家自不容不我適矣周不貳于帝殷其
能貳於周乎蓋示以確然不可動搖之意而

潛消頌民反側之情爾然聖賢事不貳適日用飲食莫不皆然蓋所以事天也豈特割殷之事而已哉

予其曰惟爾洪無度我不爾動自乃邑

三監倡亂予其曰乃汝大為非法非我爾動變自爾邑猶伊訓所謂造攻自鳴條也

予亦念天即于殷大戾肆不正

予亦念天就殷邦屢降大戾紂既死武庚又死故邪慝不正言當遷徙也

王曰猷告爾多士予惟時其遷居西爾非我一

人奉德不康寧時惟天命無違朕不敢有後無
我怨

時是也指上文殷大戾而言謂惟是之故所
以遷居西爾非我一人樂如是之遷徙震動
也是惟天命如此汝毋違越我不敢有後命
謂有他罰爾無我怨也

唐孔氏曰從殷適洛南行而西向故為西

惟爾知惟殷先人有冊有典殷革夏命

即其舊聞以開諭之也殷之先世有冊書典
籍載殷改夏命之事正如是耳爾何獨疑於
今乎

今爾其曰夏迪簡在王庭有服在百僚予一人
惟聽用德肆予敢求爾于天邑商予惟率肆矜
爾非予罪時惟天命

周公既舉商革夏事以諭頑民頑民復以商
革夏事責周謂商革夏命之初凡夏之士皆
啓迪簡拔在商王之庭有服列于百僚之間
今周於商士未聞有所簡拔也周公舉其言
以大義折之言爾頑民雖有是言然予一人
所聽用者惟以德而已故予敢求爾於天邑
商而遷之於洛者以冀率德改行焉予惟循

商故事矜恤於爾而已其不爾用者非我之

罪也是惟天命如此蓋章德者天之命今頑

民滅德而欲求用得乎陳氏大猷曰迪簡王

僚職之小者聽用德聽察其有德者而用之

○陳氏經曰聽用德者爾有德我何敢不用

爾無德我何敢苟用商士所言皆私情主所

言皆天理不擇賢否而用非天理矣○呂氏

曰商猶謂之天邑者蓋言其地舊為天子之

都重其事而敬其辭裁之者固甚正待之者

亦甚厚矣

王曰多士昔朕来自奄予大降爾四國民命我

乃明致天罰移爾遐逝比事臣我宗多遜

降猶今法降等云者言昔我来自商奄之時

汝四國之民罪皆應死我大降爾命不忍誅
戮乃止明致天罰移爾遠居于洛以親比臣
我宗周有多遜之美其罰蓋亦甚輕其恩固
已甚厚今乃猶有所怨望乎詳此章則商民
之遷固已久矣朱子曰奄東方之國○陳氏
大猷曰此奄與淮夷三監同
助武庚以叛周公東征一舉而誅四國獨言
來自奄者伐奄在後誅奄即來也四國殷管
蔡霍也以親我事我臣我
宗法成周濟濟多遜之盛

王曰告爾殷多士今予惟不爾殺予惟時命有
申今朕作大邑于茲洛予惟四方罔攸賓亦惟
爾多士攸服奔走臣我多遜

以自奄之命為初命則此命為申命也言我
惟不忍爾殺故申明此命且我所以營洛者
以四方諸侯無所賓禮之地亦惟爾等服事
奔走臣我多遜而無所處故也詳此章則遷
民在營洛之先矣吳氏曰來自奄稱晉者遠
日之辭也作大邑稱今者近日之辭也移爾
遷徙比事臣我宗多遜者期之之辭也攸服
奔走臣我多遜者果能之辭也以此又知遷
民在前而作洛在後也

爾乃尚有爾土爾乃尚寧幹止

幹事止居也爾乃庶幾有爾田業庶幾安爾
所事安爾所居也詳此章所言皆仍舊有土
田居止之辭信商民之遷舊矣孔氏不得其
說而以得及所生釋之於文義似矣而事則
非也

爾克敬天惟畀矜爾爾不克敬爾不啻不有爾
土予亦致天之罰于爾躬

敬則言動無不循理天之所福吉祥所集也
不敬則言動莫不違悖天之所禍刑戮所加
也豈特竄徙不有爾土而已哉身亦有所不

能保矣

新安陳氏曰蔡傳釋不啻不有爾土加寬徒二字尤善

今爾惟時宅爾邑繼爾居爾厥有幹有年于茲

洛爾小子乃興從爾遷

邑四井為邑之邑繼者承續安居之謂有營

為有壽考皆于茲洛焉爾之子孫乃興自爾

遷始也夫自亡國之末裔為起家之始祖頑

民雖愚亦知所擇矣

王曰又曰時予乃或言爾攸居

王曰之下當有缺文以多方篇末王曰又曰

推之可見時我或有所言皆以爾之所居止

為念也申結上文爾居之意

王氏炎曰王曰下必有脫簡又

曰下必有脫文不可強解○新安陳氏曰多士一書中言興喪則由於天言天命則繫於德言德則本於敬終之以爾土爾邑有恒產者有恒心而非誘之以利也

無逸

逸者人君之大戒自古有國家者未有不以勤而興以逸而廢也益戒舜曰罔遊于逸罔淫于樂舜大聖也益猶以是戒之則時君世主其可忽哉成王初政周公懼其知逸而不知無逸也故作是書以訓之言則古昔必稱商王者時之

書傳卷之三

四十一

近也必稱先王者王之親也舉三宗者
繼世之君也詳文祖者耳目之所逮也
上自天命精微下至畎畝艱難間里怨
詛無不具載豈獨成王之所當知哉實
天下萬世人主之龜鑑也是篇凡七更
端周公皆以嗚呼發之深嗟永歎其意
深遠矣亦訓體也今文古文皆有

張氏曰周

名之於成王所陳在敬所戒在逸蓋敬則不逸逸則不敬敬逸之分而歷年之延否享國之壽夭判焉召公以敬陳於前周公以無逸戒於後不如是不足以為周召○呂氏曰逸者禍亂之源三年東征以定外亂此特治其末流爾無逸

者治源之書也無逸作於洛之後成
王即政之初○陳氏大猷曰逸者萬惡
之根無逸者萬善之本無
逸一書所以為百代元龜

周公曰嗚呼君子所其無逸

所猶處所也君子以無逸為所動靜食息無

不在是焉作輟則非所謂所矣

薛鄉柳兄言

逸一篇極好朱子扣之曰伯恭如何解君子
所其無逸抑兄曰呂東萊解所字為居字曰
善其則不取如此說諸友請曰先生將如何
說曰恐有脫字則不可知若說不行而必強
立一說雖若可觀只恐道理不如此○呂氏
曰凡入乍勤乍急亦有無逸之時然能暫而
不能居非所其無逸者也惟君子得以無逸為
所如魚之於水鳥之於林有不可得而離者
焉○陳氏大猷曰所若北辰居其所安也猶止其
居而不移之謂○李氏杞曰所安也猶止其

所之所所其無逸安於無逸也○新安陳氏
曰所其無逸與王敬作所不可不敬德朱子
皆不欲以處所安居之意釋之懼其巧鑿非
古人之本意也然呂說為可喜所以朱子非
之而蔡氏
仍本之

先知稼穡之艱難乃逸則知小人之依

先知稼穡之艱難乃逸者以勤居逸也依者
指稼穡而言小民所恃以為生者也農之依
田猶魚之依水木之依土魚無水則死木無
土則枯民非稼穡則無以生也故舜自耕稼
以至為帝禹稷躬稼以有天下文武之基起
於后稷四民之事莫勞於稼穡生民之功莫

盛於稼穡周公發無逸之訓而首及乎此有

以哉林氏曰惟知稼穡之艱難為念而不留

能逸無逸者乃能逸也○呂氏曰此非始於

憂勤終於逸樂之論也蓋言先備稼穡之

知稼穡之艱難而逸則深如小人之所依未嘗

力役視若易然而民有不安逸與其一宮室起一

生於深宮遽處人上公深為之懼故以此章

警之若以始勤終逸釋之是乾健之體有時

而息矣○陳氏經曰乃逸非先之患未必非此論啓

之難○陳氏經曰乃逸非先之患未必非此論啓

難○陳氏經曰乃逸非先之患未必非此論啓

王甘一

亂常起於驕逸使為國者每念稼穡之艱難
而心不存焉者寡矣是心常存則驕矜逸豫
何自而生豈非治之所由興歟○陳氏大猷
曰所其無逸知小人之依此一篇之綱領後
章言三宗文王及怨詈之依此皆反覆推明乎
此也○新安陳氏曰先知稼穡之艱難乃逸
以為先○艱難而後可謀安逸固非矣以君本
難乃所以為安逸亦非也蓋君逸於上君本
逸也惟以勤居逸雖逸而能無逸呂氏此論
超出諸家下文厥子不知稼穡之艱難乃諺
既誕文勢似若六字一句○蔡氏提出謂此為
以逸為逸與上文乃逸以勤居逸者為對提
得精神如兩眼然雖六字仍
作一句讀亦不妨如此說云

相小人厥父母勤勞稼穡厥子乃不知稼穡之
艱難乃逸乃諺既誕否則侮厥父母曰昔之人
無聞知

不知稼穡之艱難乃逸者以逸為逸也俚語
曰諺言視小民其父母勤勞稼穡其子乃生
於豢養不知稼穡之艱難乃縱逸自恣乃習
俚巷鄙語既又誕妄無所不至不然則又訕
侮其父母曰古老之人無聞無知徒自勞苦
而不知所以自逸也昔劉裕奮農畝而取江
左一再傳後子孫見其服用反笑曰田舍翁
得此亦過矣此正所謂昔之人無聞知也使
成王非周公之訓安知其不以公劉后稷為
田舍翁乎

蘇氏曰農夫之子生而飽暖且不
知艱難而況於王乎。南史宋高

祖劉裕孝武帝駿壞高祖所居陰室為玉
燭殿林頭有土障壁上掛葛燈籠麻繩拂袁
顛因盛稱高祖儉德土曰
田舍翁得此已為過矣

周公曰嗚呼我聞曰昔在殷王中宗嚴恭寅畏
天命自度治民祗懼不敢荒寧肆中宗之享國
七十有五年

中宗太戊也嚴則莊重恭則謙抑寅則欽肅
畏則戒懼天命即天理也中宗嚴恭寅畏以
天理而自檢律其身至於治民之際亦祗敬
恐懼而不敢怠荒安寧中宗無逸之實如此
故能有享國永年之效也按書序太戊有原

命咸乂等篇意述其當時敬天治民之事今

無所攷矣

孔氏曰以敬畏之故得壽考之福下文言逸樂之損壽○呂氏曰上

既論無逸之理此復舉無逸之君以示之法其中宗無逸之實嚴恭寅畏天命之一端天入一因桑穀而修省亦其畏天命之一端天入一理既畏天命必不敢輕下民祗懼不敢荒寧皆發也惟發故壽也主靜則悠遠博厚自強則堅實精明操存則血氣循執而不亂收斂則精神內固而不浮至於儉約克治去我賊之累又不待言凡此皆敬之方壽之理也自此至文王其壽莫非此理○陳氏經曰以天命之理自為法度凡身所躬行合於法度者無非天命之流○李氏杞曰無逸必寡慾而全生者亦鮮矣既以無逸致壽者為之勸又以逸樂損壽者為之戒使前有所慕後有所警則知逸樂之不可縱

陰一作閭

其在高宗時舊勞于外爰暨小人作其即位乃
或亮陰三年不言其惟不言言乃雍不敢荒寧
嘉靖殷邦至于小大無時或怨肆高宗之享國
五十有九年

高宗武丁也未即位之時其父小乙使父居
民間與小民出入同事故於小民稼穡艱難
備嘗知之也雍和也發言和順當於理也嘉
義靖安也嘉靖者禮樂教化蔚然於安居樂
業之中也漢文帝與民休息謂之靖則可謂
之嘉則不可小大無時或怨者萬民咸和也

乃雍者和之發於身嘉靖者和之發於政無

怨者和之著於民也餘見說命高宗無逸之

實如此故亦有享國永年之效也年呂氏曰三聖

賢之君未必盡然故謂之乃或是或一道也

小大無怨民氣大和導迎和氣是亦壽考之

理又發此意以申勸成王下章論文王成和

萬民亦是意也篇末二章之論違怨詛祝怨

詈實申此而盡發之○張氏曰不敢荒寧則

志氣凝定精神純一此長年之基民心大和

導迎善氣又所以致長年也蓋神氣耗散則

根本不固厲氣外襲則天和日消有一于此

皆足致天

其在祖甲不義惟王舊為小人作其即位爰知

小人之佞能保惠于庶民不敢侮鰥寡肆祖甲

之享國三十有三年

史記高宗崩子祖庚立祖庚崩弟祖甲立則
祖甲高宗之子祖庚之弟也鄭玄曰高宗欲
廢祖庚立祖甲祖甲以為不義逃於民間故
云不義惟王按漢孔氏以祖甲為太甲蓋以
國語稱帝甲亂之七世而殞孔氏見此等記
載意為帝甲必非周公所稱者又以不義惟
王與太甲茲乃不義文似遂以此稱祖甲者
為太甲然詳此章舊為小人作其即位與上
章爰暨小人作其即位文勢正類所謂小人

者皆指微賤而言非謂儉小之人也作其即位亦不見太甲復政思庸之意又按邵子經世書高宗五十九年祖庚七年祖甲三十三年世次歷年皆與書合亦不以太甲為祖甲况殷世二十有九以甲名者五帝以太以小以沃以陽以祖別之不應二人俱稱祖甲國語傳訛承謬旁記曲說不足盡信要以周公之言為正又下文周公言自殷王中宗及高宗及祖甲及我周文王及云者因其先後次第而枚舉之辭也則祖甲之為祖甲而非太

書作少全戶

王門王

甲明矣

呂氏曰商去周末遠故公以王耳目所接者言之○陳氏經曰中宗近生

知高宗學知祖甲困知者也

自時厥後立王生則逸生則逸不知稼穡之艱
難不聞小人之勞惟耽樂之從自時厥後亦罔
或克壽或十年或七八年或五六年或四三年
過樂謂之耽泛言自三宗之後即君位者生
則逸豫不知稼穡之艱難不聞小人之勞惟
耽樂之從伐性喪生故自三宗之後亦無能
壽考遠者不過十年七八年近者五六年三
四年爾耽樂愈甚則享年愈促也凡人莫不

欲壽而惡夭此篇專以享年永不永為言所

以開其所欲而禁其所當戒也陳氏經曰逸

所好有甚於逸樂者苟以艱難而得壽奚為

苟以逸樂艱難人所惡然所惡有甚於艱難者

常情之好惡而促壽奚為而不艱難公之言奪

日人莫不好逸而示以所甚好甚惡也○蘇氏

所甚好禁其好逸而示以所甚好甚惡也○蘇氏

以逸豫為未必害生也漢武帝唐明皇豈無

欲者哉而壽如此夫多欲不享國者皆是也

武帝明皇千一而已豈可專望乎此我○呂

氏曰憂勤者必壽逸豫者必夭此周公格言

書傳卷八

五十一

六

其愚之甚也歟。○蔡初王氏曰：蘇氏之說於經有助使好逸者無以漢武明皇藉口。呂氏求神仙延壽之說三代前未有也。然亦可備經遠進讀之一義。

周公曰：嗚呼！厥亦惟我周太王、王季克自抑畏。商猶異世也。故又即我周先王告之言太王、王季能自謙抑，謹畏者，蓋將論文王之無逸。故先述其源流之深長也。大抵抑畏者，無逸之本。縱肆怠荒，皆矜誇無忌憚者之為。故下文言文王曰：柔曰恭，曰不敢，皆原太王、王季抑畏之心發之耳。陳氏大猷曰：克自者，真能自用其力，而人不與也。抑者，所以以下之也。如制忿欲，去奢侈，皆是也。畏者，所以人所以肆行無畏，不能自抑，故也。抑

其私欲惟義是從則必畏天命畏祖宗畏小民矣

文王卑服即康功田功

卑服猶禹所謂惡衣服也康功安民之功田功養民之功言文王於衣服之奉所性不存而專意於安養斯民也卑服蓋舉一端而言宮室飲食自奉之薄皆可類推

孔氏曰乾田功以知稼穡

之艱難○新安陳氏曰孔氏以即田功為知稼穡之艱難甚好知稼穡艱難乃無逸之根

本一篇之綱領也迪哲四君皆由於此

彼生則逸之君只為不知稼穡艱難耳

微柔懿恭懷保小民惠鮮鰥寡自朝至于日中

晷不遑暇食用咸和萬民

徽懿皆義也。是日眊也。柔謂之徽則非柔懦之柔恭。謂之懿則非足恭之恭。文王有柔恭之德而極其徽懿之盛。和易近民於小民則懷保之於鰥寡則惠鮮之惠。鮮云者鰥寡之人垂首喪氣賚予賙給之使之有生意也。自朝至于日之中自中至于日之昃一食之頃有不遑暇欲咸和萬民使無一不得其所也。文王心在乎民自不知其勤勞如此。豈秦始皇衡石程書隋文帝衛士傳餐代有司之任者之為哉。立政言罔攸蕪于庶言庶獄庶慎。

則文王又若無所事事者不讀無逸則無以
知文王之勤不讀立政則無以知文王之逸
合二書觀之則文王之所從事可知矣問微
恭是一字是二字朱子曰二字柔者須微恭
者須懿柔而不微則姑息恭而不懿則非由
中出柔易於暗弱微者發揚之意恭形於外
懿則有蘊藏之意○陳氏大猷曰卑服非止
惡衣服凡服
用皆卑損

文王不敢盤于遊田以庶邦惟正之供文王受
命惟中身厥享國五十年

遊田國有常制文王不敢盤遊無度上不濫
費故下無過取而能以庶邦惟正之供於常

言
五十八

貢正數之外無橫斂也言庶邦則民可知文
王為西伯所統庶邦皆有常供春秋貢於霸
主者班班可見至唐猶有送使之制則諸侯
之供方伯舊矣受命言為諸侯也中身者漢
孔氏曰文王九十七而終即位時年四十七
言中身舉全數也上文崇素儉恤孤獨勤政
事戒遊佚皆文王無逸之實故其享國有歷
年之永

呂氏曰凡有血氣患於上陵必學問
以下之抑損祗畏以自下則用力於

無逸深矣力不分於奉已故功全歸於恤民
惠澤之使鮮有生意盤遊田日不取翼翼
之小心也此章言文王家法兄無逸之條目
如崇儉素重農畝恤窮困勤政事戒遊田損

橫斂大略皆備其稱文王之壽即前章之意
以此為防後世猶為文王憂勤損壽之說以
落人主之好逸如鄭玄者

周公曰嗚呼繼自今嗣王則其無淫于觀于逸
于遊于田以萬民惟正之供

則法也其指文王而言淫過也言自今日以
往嗣王其法文王無過于觀逸遊田以萬民
惟正賦之供上文言遊田而不言觀逸以大
而包小也言庶邦而不言萬民以遠而見近
也

無皇曰今日耽樂乃非民攸訓非天攸若時人

不則有愆無若殷王受之迷亂酗于酒德哉

無與毋通皇與遑通訓法若順則法也毋自

寬暇曰今日姑為是耽樂也一日耽樂固若

未害然下非民之所法上非天之所順時人

大法其過逸之行猶商人化受而崇飲之類

故繼之曰毋若商王受之沈迷酗于酒德哉

酗酒謂之德者德有凶有吉韓子所謂道與

德為虛位是也陳氏經曰兩惟正之供皆不以貢賦為吾逸樂之用也觀

逸遊田人君未嘗無特不可過其則耳一日

暫樂若未害也而以為不可者蓋此心不可
以斯須忘斯須而忘是放其心自此以往不
可收拾矣。呂氏曰雖戒成王實欲後嗣共

守此訓故以繼自今嗣王言觀覽以舒其目
安逸以休其身遊豫以省風俗田獵以習武
備人君不能無也公使之無淫過則人欲肆而
入於亂亡矣故公使之無淫過于此必絕之
使無則迫處拘制矣觀逸遊田橫斂之源四
者既省用有常經自應以萬民惟正之供始
耽樂者毋自恕曰今日耽樂爾是心一流將
一耽樂必至為紂之深絕其微無若殷王耽樂蓋原
淫樂之始使之深絕其微無若殷王耽樂蓋原
淫樂之終使知之必至此極始終備矣○林氏
曰隱公觀魚莊公觀社觀也唐教宗日晏坐
朝逸也周穆所至有車轍馬迹遊也太康畋
洛表田也皆淫於此者○西山真氏曰前舉
三宗後舉文王俾王知所法又舉紂俾王知
所戒紂之惡無不有酌酒其最也人無智愚
皆知憂勤必享國逸欲必戕生惟沉湎于酒
心志昏亂則雖死亡在前亦不知畏故欲無
逸則不可酌酒酌酒則薛氏曰今日耽樂與詩所
專以此申戒也○薛氏曰今日耽樂與詩所

謂一醉日
富同義

周公曰嗚呼我聞曰古之人猶胥訓告胥保惠
胥教誨民無或胥譴張為幻

胥相訓誡惠順譴張誕也變名易實以眩
觀者曰幻歎息言古人德業已盛其臣猶且
相與誡告之相與保惠之相與教誨之保惠
者保養而將順之非特誡告而已也教誨則
有規正成就之意又非特保惠而已也惟其
若是是以視聽思慮無所蔽塞好惡取予明
而不悖故當時之民無或敢譴誕為幻也

呂氏

曰訓告教誨皆見於言語保惠則調護於日用功用相表裏也○新安陳氏曰訓誨忠言也講張邪說也忠言交進則邪說莫行

此厥不聽人乃訓之乃變亂先王之正刑至于小大民否則厥心違怨否則厥口詛祝

正刑正法也言成王於上文古人胥訓告保惠教誨之事而不聽信則人乃法則之君臣上下師師非度必變亂先王之正法無小無大莫不盡取而紛更之蓋先王之法甚便於民甚不便於縱侈之君如省刑罰以重民命民之所便也而君之殘酷者則必變亂之如

薄賦歛以厚民生民之所便也而君之貪侈
者則必變亂之厥心違怨者怨之蓄于中也
厥口詛祝者怨之形於外也為人上而使民
心口交怨其國不危者未之有也此蓋治亂
存亡之機故周公懃懃言之

之意遂及於違怨詛祝○唐孔氏曰
請神加殃謂之詛以言告神謂之祝

陳氏大猷曰承
上章無怨咸和

周公曰嗚呼自殷王中宗及高宗及祖甲及我
周文王茲四人迪哲

迪蹈哲智也孟子以知而弗去為智之實迪
云者所謂弗去是也人主知小人之依而或

忿戾之者是不能蹈其知者也惟中宗高宗
祖甲文王允蹈其知故周公以迪哲稱之
厥或告之曰小人怨汝詈汝則皇自敬德厥愆
曰朕之愆允若時不啻不敢含怒

詈罵言也其或有告之曰小人怨汝詈汝汝
則皇自敬德反諸其身不尤其人其所誣毀
之愆安而受之曰是我之愆允若時者誠實
若是非止隱忍不敢藏怒也蓋三宗文王於
小民之依心誠知之故不暇責小人之過言
且因以察吾身之未至怨詈之語乃所樂聞

是豈特止於隱忍含怒不發而已哉

唐孔氏曰

大自敬德○朱氏方大曰聞謗而自反以敬德則凡怨詈之來皆箴砭之益吾方資之以自反何止不敢含怒於心而已苟非發於中心之誠惟不敢含怒而止則是僅能恕人之言而末盡反已之功也○陳氏大猷曰四君至明故能如此凡聞謗而責人皆不明所致也

此厥不聽人乃或譸張為幻曰小人怨汝詈汝則信之則若時不永念厥辟不寬綽厥心亂罰無罪殺無辜怨有同是叢于厥身

綽大叢聚也言成王於上文三宗文王迪哲之事不肯聽信則小人乃或誑誕變置虛實

曰小民怨汝詈汝汝則聽信之則如是不能
永念其為君之道不能寬大其心以誑誕無
實之言羅織疑似亂罰無罪殺戮無辜天下
之人受禍不同而同於怨皆叢於人君之一
身亦何便於此哉大抵無逸之書以知小人
之依為一篇綱領而此章則申言既知小人
之依則當蹈其知也三宗文王能蹈其知故
其胷次寬平人之怨詈不足以芥蒂其心如
天地之於萬物一於長育而已其悍疾憤戾
天豈私怒於其間哉天地以萬物為心人君

以萬民為心故君人者要當以民之怨詈為
已責不當以民之怨詈為已怒以為已責則
民安而君亦安以為已怒則民危而君亦危
矣吁可不戒哉幽林氏曰以譏張之說妄殺如
類○陳氏經曰以一人之身當天下之怨詈皆
自幻言有以惑之始人主憂勤則心莊氣肅
而一身和下無怨詘而天下和壽所以長也
人主逸樂則心有所蠱壞而一身失其和邪
說進小人怨殺戮肆行而天下失其和此壽
所以短也推言人主之壽下及小人怨詈之
情可謂深切矣○夏氏曰向之怨詈猶有限
也至此普天同怨是怨叢於一身矣民氣如
此欲享國長久得乎此意蓋在言外也○范
氏曰明君惟聽正直故讒慝之言不入於耳
暗君好聽讒佞故欺誑之言日至於前人君
當修德以弭怨不可以刑殺止怨以刑殺止

怨怨之愈甚大決所漬不可收拾矣。○呂氏曰無逸始以逸豫為戒終則以棄忠言惑邪說壞法度治誹謗結之惟無逸然後能去是病而所以保無逸者亦不過戒是數者也。○新安陳氏曰末章承上章以論處怨言之道然召民和而使自無時或怨上也因怨言而自反次也以殺罰止怨而怨叢又次矣周公以怨詈等事寬廣君心而仲舒民氣其為邦本國脉計豈淺哉

周公曰嗚呼嗣王其監于茲

茲者指上文而言也無逸一篇七章章首皆先致其咨嗟詠歎之意然後及其所言之事至此章則於嗟歎之外更無他語惟以嗣王其監于茲結之所謂言有盡而意則無窮成

言傳卷之八

六十四

王得無深警於此哉董氏鼎曰此篇挈所其

知稼穡難與不知難難以為之綱而分先

之大旨也商三君先知難難者為之目此一生則

逸不知難難也遠引古人恐不盡信故尤欲其

師文王懲商紂以耳目所及

君奭

召公告老而去周公留之史氏錄其告

語為篇亦誥體也以周公首呼君奭因

以君奭名篇篇中語多未詳今文古文

皆有○按此篇之作史記謂召公疑周

公當國踐祚唐孔氏謂召公以周公嘗

攝王政今復在臣位葛氏謂召公未免
常人之情以爵位先後介意故周公作
是篇以諭之陋哉斯言要皆為序文所
誤獨蘇氏謂召公之意欲周公告老而
歸為近之然詳本篇旨意迺召公自以
盛滿難居欲避權位退老厥邑周公反
復告諭以留之爾熟復而詳味之其義
固可見也

朱子曰召公不悅這意思曉
不得若論事了儘未在看來

是見成王已臨政便也小定了許多事
周公自可了得所以求去○程子曰師

保之任古人難之故召公不說者不敢
安於保也周公作書以勉之以為在昔

人君所以致治者皆賴其臣而使召公謀所以裕已也。○問召公不悅之意朱子曰召公不悅只是小序。○他無此意。○這只是召公要去後周公留却無此意。○這只是召公要去後周公留他說道朝廷不可無老臣又問又曰等語不可曉曰這箇只是大綱綽得箇意脉子便恁地說不要逐箇字去討更無理會這箇物事難理會又曰弗吊只當作去聲讀又曰召公不悅蓋以為周公歸政之後不當復留而不悅亦老而當去故周公言二人不可不留之意曰嗚呼君已日時我我亦不敢寧于上帝命弗永遠念天威越我民國允違又歷道古今聖賢倚賴老成以固其國家之事又曰予不惠若茲多詰予惟用閔于天哉民只此便見周公之心每讀至此未嘗不喟然太息也試於此等處虛心求之如何。○呂氏曰召公以威滿欲去周公反復留之後世權位相軋排使去者有之挽之留者解矣大臣之秉心公則深

恐無助私則惟恐不專也又曰成功不可居洛邑成而周公告歸召公亦同此心也已而欲退之也周公幡然改矣召公猶守欲退之心也周公遂力留之及其既喻非特留於一時終相成王且相康王身任托孤之責而不辭惟不苟於隨所以篤於信也○陳氏大猷曰或謂周公去朝居洛召公獨執政柄所以欲去今以洛誥君陳攷之周公居洛以化殷民以無逸蔡仲等攷之周公未嘗不在朝以輔大業意其往來鎬洛之間也方是時洛邑雖成而殷民尚未四方雖定而天命人心尚未固宜周公諄諄於留召公與

周公若曰君奭

君者尊之之稱奭召公名也古人尚質相與語多名之

弗吊天降喪于殷殷既墜厥命我有周既受我不敢知曰厥基永孚于休若天棐忱我亦不敢知曰其終出于不祥

不祥者休之反也天既下喪亡于殷殷既失天命我有周既受之矣我不敢知曰其基業長信於休美乎如天果輔我之誠耶我亦不敢知曰其終果出於不祥乎○按此篇周公留召公而作此其言天命吉凶雖曰我不敢知然其懇惻危懼之意天命吉凶之決實主於召公留不留如何也

呂氏曰自後世之私觀之殷之禍周之福

越一作曰

也迷殷之喪亡亦曰弗吊聖賢公天下之心
也人之於天或恃而不修或懼而不自強
謂永孚于休恃而不修也意天必福已也
謂終出于不祥懼而不自強也意天必禍已也
皆非也○新安陳氏曰此數句與名諸不敢
知曰有歷年不其延語脉略同○臨川吳氏
曰不幸天大降喪亡之禍于殷殷既墜其命
而我周既受之矣然天命難謀有德則常
留無德則旋去孚者以實感以實應也永孚
于休命之留也不祥者休之反出于不祥命
之去也雖曰我周既受天命然謂其基必可
久長我所以不敢知也雖曰天非可信然謂其
終必至失墜我亦不敢知也

嗚呼君已曰時我我亦不敢寧于上帝命弗永
遠念天威越我民罔尤違惟人在我後嗣子孫
大弗克恭上下遏佚前人光在家不知

尤怨違背也周公歎息言召公已嘗曰是在
我而已周公謂我亦不敢苟安天命而不永
遠念天之威於我民無尤怨背違之時也天
命民心去就無常實惟在人而已今召公乃
忘前日之言翻然求去使在我後嗣子孫大
不能敬天敬民驕慢肆侈遏絕佚墜文武光
顯可得謂在家而不知乎

朱子曰諸語多是長句如君奭弗永

遠念天威越我民罔尤違只是一句越只是及罔尤違是總說上天與民之意漢藝文志註謂語是曉諭民若不速曉則約束不行便是語辭如此只是欲民易曉

天命不易天難謨乃其墜命弗克經歷嗣前人

恭明德

天命不易猶詩曰命不易哉命不易保天難
謀信乃其隆失天命者以不能經歷繼嗣前
人之恭明德也吳氏曰弗克恭故不能嗣前
人之恭德遏佚前人光故不能嗣前人之明
德

在今予小子旦弗克有正迪惟前人光施于我
冲子

吳氏曰小子自謙之辭也弗克有正亦自謙
之辭也言在今我小子旦弗能有所正也凡

所開導惟以前人光大之德使益焜耀而付
于冲子而已以前言後嗣子孫遏佚前人光
而言也

又曰天不可信我道惟寧王德延天不庸釋于
文王受命

又曰者以上文言天命不易天難謐此又申
言天不可信故曰又曰天固不可信然在我
之道惟以延長武王之德使天不容捨文王
所受之命也

新安陳氏曰周公舉召公前日
之言以質之謂君昔已嘗言是
其責在我矣周公自述已意謂我亦不敢安
於天命而不永遠念天威及我民之無怨尤

違背也。若果委之而去，使我後嗣子孫無所
輔助。將大不能敬天教民，而至於過侯前人
之光顯。此時吾等可諉以退老在家，而不知
乎天命不易。保天難，謹信恐其墜命者，以嗣
君彼歷未深，弗能經歷而嗣前人恭明之德。
故也。我非能有正我，所啓迪惟以前人光明
之德施及於我。仲子而巳施，如詩所謂施于
孫子。此章大意謂今日天命入心，未為固成
王經歷未為深，所當輔之以嗣前人之光延
長世德，凝固天命。吾等當留而不當去也。此
篇語句多有難曉，只得其大意可也。

公曰：君奭，我聞在昔成湯既受命，時則有若伊
尹格于皇天；在太甲時，則有若保衡在太戊時，
則有若伊陟、臣扈格于上帝；在武丁時，則有若甘盤
乙時，則有若巫賢在武丁時，則有若甘盤。

時則有署名者言當其時有如此人也保衡即
伊尹也見說命太戊太甲之孫伊陟伊尹之
子臣扈與湯時臣扈二人而同名者也巫氏
咸名祖乙太戊之孫巫賢巫咸之子也武丁
高宗也甘盤見說命呂氏曰此章序商六臣
之烈蓋勉召公匹休於前人也伊尹佐湯以
聖輔聖其治化與天無間伊陟臣扈之佐太
戊以賢輔賢其治化克厭天心自其徧覆言
之謂之天自其主宰言之謂之帝書或稱天
或稱帝各隨所指非有重輕至此章對言之

則聖賢之分而深淺見矣巫咸止言其又王
家者咸之為治功在王室精微之蘊猶有愧
於二臣也亡書有咸又四篇其又王家之實
歟巫賢甘盤而無指言者意必又次於巫咸
也○蘇氏曰殷有聖賢之君七此獨言五下
文云殷禮陟配天豈配祀于天者止此五王
而其臣偕配食于廟乎在戊丁時不言傳說
豈傳說不配食於配天之王乎其詳不得而
聞矣

陳氏曰湯初勝夏已有臣扈湯至太戊
百三十年必二臣兩名同也詩有家父
春秋又有家父亦此類○復齋董氏曰言甘
盤者高宗舊學之臣○呂氏曰捨傳說言甘

盤盤源也說委也。○息齋余氏曰不言說即下文不言尚父之意。○臨川吳氏曰周公舉商家所以能創業守成中興者皆得大臣為之輔相以見召公未可去也成湯之時其臣有伊尹之助也湯孫太甲之時有天湯雖聖亦賴伊尹之保即伊尹以其保護王躬而天下之事皆取平焉故曰保衡蓋太甲始立是號以尊伊尹而不名太甲孫太戊之時則有如伊尹之子陟與臣扈亦能治王家之事巫賢巫咸子保衡巫賢甘盤之下不言其事蓋無可指定而言者也。○陳氏雅言曰此周公叙商六臣之烈以告召公而勉其匹休於前人也伊尹之佐成湯保衡之佐太甲伊陟臣扈巫咸之佐太戊巫賢之分治化有淺深之異然皆為君臣有聖賢之分治化有淺深之異然皆為一代之名臣格上帝者克厭於天之辭與天猶為一者也格上帝者克厭於天之辭與天猶為二者也又王家者功著於民之辭召公於此上比伊尹而無所讓次比伊陟臣扈巫咸而此

有餘下比巫賢甘盤而遠過之今而求去則
殷民反側之未安成王守成之無助寧不愧
於商之諸臣者乎此周公所以勉留之之意
也周公此言雖主於留名公而發非為人物
評論然其立言之意抑揚高下自是如此

率惟茲有陳保又有殷故殷禮陟配天多歷年
所

陟升遐也言六臣循惟此道有陳列之功以

保又有殷故殷先王終以德配天而享國長

乂也

葉氏曰以其祭上陟而配天猶言郊祀
后稷以配天宗紀文王於明堂以配上

帝○唐孔氏曰
多歷年之次所

天惟純佑命則商實百姓王人罔不秉德明恤

小臣屏侯甸矧咸奔走惟茲惟德稱用又厥辟
故一人有事于四方若卜筮罔不是孚

佑助也實虛實之實國有人則實孟子言不
信仁賢則國空虛是也稱舉也亦秉持之義
事征伐會同之類承上章六臣輔君格天致
治遂言天佑命有商純一而不雜故商國有
人而實內之百官著姓與夫王臣之微者無
不秉持其德明致其憂外之小臣與夫藩屏
侯甸矧皆奔走服役惟此之故惟德是舉用
又其君故君有事于四方如龜之卜如蓍之

筮天下無不敬信之也

王氏炎曰商大臣事

享今四國多方諄諄告命猶懼不信名公豈
可求去○陳氏雅言曰周公言不特上文六
臣能輔君之功天之于商其佑命之也純
一而不二故商國賢才衆多而能實言之
有人而實也是以當時在內則大兩百官著
姓小而王臣之微莫不秉德明恤此其在內
者之皆賢也在外則微而小臣大兩藩屏侯
甸者又莫不奔走服役此其在內者之皆賢
也惟天佑命之純之故故君之用人惟有德
者是舉而此衆賢之多皆能治君之人事以
君共理也是則商之賢才登庸無間內外其
衆多如此羣臣有輔君之功故君有化民之
效一人有所命令于天下之民如敬聽
於卜筮而無不孚信也周公此言意謂商賢
聖之君其始以得五六大臣佐佑之助故能
得天佑命之純是以衆賢維時而出無內外
大小之間明商之得人實由於五六大臣之
得人也周公此意政欲名公知吾二人其進

退係於國體者如此豈可以盛
滿難居為懼而果於求退也

公曰君奭天壽平格保乂有殷有殷嗣天滅威
今汝永念則有固命厥亂明我新造邦

呂氏曰坦然無私之謂平格者通徹三極而
無間者也天無私壽惟至平通格于天者則
壽之伊尹而下六臣能盡平格之實故能保
乂有殷多歷年所至于殷紂亦嗣天位乃驟
罹滅亡之威天曾不私壽之也固命者不墜
之天命也今召公勉為周家久永之念則有
天之固命其治效亦赫然明著於我新造之

邦而身與國俱顯矣

孔氏曰言天壽有平至之君故安治有殷殷嗣

子紂不能平至天滅亡加之有威今汝長念平至者安治反是者滅亡以為法戒則有堅固之命其治理足以及明我新成國矣。臨川吳氏曰平格謂無一事不與天道者也。心通乎天必得其壽伊尹而下六臣能相其君以平格于天故能保乂有殷多歷年所至于殷紂亦嗣天位乃驪羅滅亡之威天不壽之者何哉蓋無賢臣輔之以格于天故爾今汝永念及此則我周可有堅固不墜之命其能常治而顯明我新造之周邦歟

公曰君奭在昔上帝割申勸寧王之德其集大命于厥躬

申重勸勉也在昔上帝降割于殷申勸武王之德而集大命於其身使有天下也

新安陳氏曰寧

王孔註以為文王蔡傳以為武王果武王也
則下接惟文王尚克脩和我有夏必有缺文
矣

惟文王尚克脩和我有夏亦惟有若弼叔有若
閼夭有若散宜生有若泰顛有若南宮括

弼叔文王弟閼散泰南宮皆氏夭宜生顛括
皆名言文王庶幾能修治燮和我所有諸夏
者亦惟有弼叔等五臣為之輔也康誥言一
二邦以修無逸言用咸和萬民即文王修和
之實也

又曰無能往來茲迪彝教文王蔑德降于國人

蔑無也夏氏曰周公前既言文王之興本此五臣故又反前意而言曰若此五臣者不能為文王往來奔走於此導迪其常教則文王亦無德降及於國人矣周公反覆以明其意故以又曰更端發之

亦惟純佑秉德迪知天威乃惟時昭文王迪見冒聞于上帝惟時受有殷命哉

言文王有此五臣者故亦如殷為天純佑命百姓王人罔不秉德也上既反言文王若無此五臣為迪彛教則亦無德下及國人故此

又正言亦惟天乃純佑文王蓋以如是秉德
之臣蹈履至到實知天威以是昭明文王啓
迪其德使著見於上覆冒於下而升聞于上
帝惟是之故遂能受有殷之天命也新安陳氏曰此
言以文王之聖猶不可無五臣之助也○陳氏雅言曰亦惟純佑者即上章天惟純佑命之謂也秉德迪知天威乃惟時昭文王迪見冒聞于上帝者即上章罔不秉德明恤惟茲惟德稱用又厥辟之意也上章言商賢聖之君皆已受天命之君也故以一人有事於四方若卜筮罔不是孚言之言其效足以化民也此言文王始受天命之君也故以惟時受有殷命哉言之言其效有以得於天也周公言此意謂文王得此五臣之助亦如商之衆君得上六臣之助五臣之輔周無異於六臣之輔商故佑命之純於周無異於昔之純於

商也天眷厚而賢才衆多者蓋以六臣之德
有以契於天故其道有以顯其君賢臣輔而
君德修著不惟其君之德有以被於時而其
極有以格夫天是則文王之所以受有殷命
之故雖文王之德也亦五臣之助也周公此
言主於留召公故皆歸重於臣之辭召公縱
不以商之六臣為念獨
不以周之五臣為意乎

武王惟茲四人尚迪有祿後暨武王誕將天威
咸劉厥敵惟茲四人昭武王惟冒丕單稱德
弼叔先死故曰四人劉殺也單盡也武王惟
此四人庶幾迪有天祿其後暨武王盡殺其
敵惟此四人能昭武王遂覆冒天下天下大
盡稱武王之德謂其達聲教于四海也文王

冒西土而已不單稱德惟武王為然於文王
言命於武王言祿者文王但受天命至武王
方富有天下也呂氏曰師尚父之事文武烈
莫盛焉不與五臣之列蓋一時議論或詳或
略隨意而言主於留召公而非欲為人物評

也

新安陳氏曰此言以武王之聖猶不可無四臣之助也上言殷先王猶有賴於六臣

此

二章言周文武猶有賴於五臣四臣召公可不鑑之而遽求去乎留之之意切矣○陳

氏

雅言曰武以定亂文以致治武王之興皆賴此四臣之功也四臣之才德兼全志慮中

正

出之可以為將入之可以為相無所不可於此可見其即立政所謂義德容德之士也

歟

○臨川吳氏曰林氏云文武佐命元功多矣獨稱號叔等五人者豈其逮事王季遂及

文武耶伊尹事湯又事太甲伊陟乃尹子臣
龜非湯舊臣即殷世臣巫咸巫賢世為大臣
甘盤小乙舊臣以遺武丁周公所舉皆世臣
舊德故武丁世不及傳說文武世不及太公
今周公與召公正如殷之六
臣文武之五臣豈可去乎

今在予小子旦若游大川予往暨汝奭其濟小
子同未在位誕無我責收罔勗不及耆造德不
降我則鳴鳥不聞矧曰其有能格

小子旦自謙之稱也浮水曰游周公言承文
武之業懼不克濟若浮大川罔知津涯豈能
獨濟哉予往與汝召公其共濟可也小子成
王也成王幼冲雖已即位與未即位同誕大

也大無我責上疑有缺文收罔曷不及未詳
耆造德不降言召公去則耆老成人之德不
下於民在郊之鳳將不復得聞其鳴矣况敢
言進此而有感格乎是時周方隆盛鳴鳳在
郊卷阿鳴于高岡者乃詠其實故周公云爾
也夏氏曰大無盡責於我一人。急齋余氏曰召公若收斂退藏罔曷勉哉王之所不逮亦通。張子曰耆造德降則民誠和而鳳可致故鳴鳥聞所以為和氣之應也。王氏
炎曰文王之興鳳鳴岐山為周受命之符召公若去罔不能如五臣輔文王以聞鳴鳳之祥况能如伊陟臣扈之格天格帝乎。孔氏曰我往與汝奭其共濟渡成王。新安陳氏曰大無專責於我召公者收斂退藏不勉王所不及以老成之德自居我恐鳴鳳之祥不

復聞矣況曰其有能如古人之格天格帝乎
然此等句實聲牙難通唯挽留召公之意猶
耳可認

公曰嗚呼君肆其監于茲我受命無疆惟休亦
大惟艱告君乃猷裕我不以後人迷

肆大猷謀也茲指上文所言周公歎息欲召
公大監視上文所陳也我文武受命固有無
疆之美矣然迹其積累締造蓋亦艱難之大
者不可不相與竭力保守之也告君謀所以
寬裕之道勿狹隘求去我不欲後人迷惑而
失道也○呂氏曰大臣之位百責所萃震撼

擊撞欲其鎮定辛甘燥濕欲其調齊盤錯焚
結欲其解紓黯闇汚濁欲其茹納自非曠度
洪量與夫患失乾沒者未嘗無翩然捨去之
意况召公親遭大變破斧缺斨之時屈折調
護心勞力瘁又非平時大臣之比顧以成王
未親政不敢乞身爾一旦政柄有歸浩然去
志固人情之所必至然思文武王業之艱難
念成王守成之無助則召公義未可去也今
乃汲汲然求去之不暇其迫切已甚矣盍謀
所以寬裕之道圖功攸終展布四體為久大

規模使君德開明未可捨去而聽後人之迷

惑也

鄭氏曰召公不悅似隘急故令謀於寬裕○呂氏曰周公自言我終不獨善而

使後人迷惑自言所以不去者以勉召公也

○陳氏曰不以後人迷謂欲使後人嗣前人

恭明德不至於遏侯前入光也○新安陳氏

曰不以後人迷如其君霸以其君顯之以

留而明保啓迪成王是不以後人迷

也去而聽其迷惑是以後入迷也

公曰前人敷乃心乃悉命汝作汝民極曰汝明

勗偶王在亶乘茲大命惟文王德丕承無疆之

恤

偶配也蘇氏曰周公與召公同受武王顧命

輔成王故周公言前人敷乃心腹以命汝召

公位三公以為民極且曰汝嘗明勉輔孺子如耕之有偶也在於相信如車之有馭也并力一心以載天命念文考之舊德以丕承無疆之憂武王之言如此而可以去乎

張氏曰臣者君

之偶如婦者夫之偶。陳氏曰乘載也猶負荷也。呂氏曰命作民極置之具瞻以為民極也。其命之辭則曰汝明明勉勵以偶配輔佐後王命之大如此在今當宣誠以乘載此大命不可失墜今而遽去是墜此命非乘此命矣。又欲其追念文王眷遇之德為我周大受無窮之憂責洛誥周公之復留實以文武之故今召公欲去周公復舉文武以感動之

公曰君告汝朕允保奭其汝克敬以予監于殷喪大否肆念我天威

大否大亂也告汝以我之誠呼其官而名之

言汝能敬以我所言監視殷之喪亡大亂可

不大念我天威之可畏乎

西山真氏曰周公言天威曰肆念我

天威蓋天在我而不在外此心少有不存則

是不念天威矣豈必求之外乎○新安陳氏

曰我天威如名諸言我受天命大臣與國同

體天命天威皆以我負荷之不敢以不切已也視之也

予不允惟若茲誥予惟曰襄我二人汝有合哉

言曰在時二人天休滋至惟時二人弗戡其汝

克敬德明我俊民在讓後人于丕時

戡勝也戡堪古通用周公言我不信於人而

若此告語乎予惟曰王業之成在我與汝而
已汝聞我言而有合哉亦曰在是二人但天
休茲至惟是我二人將不堪勝汝若以盈滿
為懼則當能自敬德益加寅畏明揚俊民布
列庶位以盡大臣之職業以答茲至之天休
毋徒惴惴而欲去為也他日在汝推遜後人
于大盛之時超然肥遯誰復汝禁今豈汝辭
位之時乎

朱子曰襄我二人周公自謂已與
名公○王氏曰大臣之善在乎能

讓讓則推賢揚善而無妨功害能此所以能
明俊民○陳氏經曰今時未至盛大未有賢

俊可讓名公未可去也大臣進退常以得人
為慮有賢者可以讓則身可以退蕭何且死

必引曹參管仲不能薦賢所以不免於議也

嗚呼篤棐時二人我式克至于今日休我咸成文王功于不怠丕冒海隅出日罔不率俾

周公復歎息言篤於輔君者是我二人我用能至于今日休盛然我欲與召公共成文王功業于不怠大覆冒斯民使海隅日出之地無不臣服然後可也周都西土去東為遠故以日出言吳氏曰周公未嘗有其功以其留召公故言之蓋叙其所已然而勉其所未至亦人所說而從者也

蘇氏曰以我二人厚輔之故周室乃有今日之

休然今日之休未可以為足也惟至於日月
所照莫不率服乃已耳○陳氏大猷曰伐維
夷踐奄在此書後可見當時未能固不率俾
也右二章以文武留召公也○新安陳氏曰
告汝朕允與予不允惟若茲語○下文予不惠
若茲多誥語皆相應告汝皆我允信之心也
我豈不信而惟若此語乎我豈不相惠順
而若此多誥乎未謂今日之休不可恃前人
之功所當終必極天所覆日之所照皆臣服
然後文王之功方可以成言我與汝當同任
其責而咸成之惟不憊可以成終召公殆未
可去也前以商六臣周五臣四臣留之末以
文武與身留之諄切至此召公得不留哉○
陳氏雅言曰是時洛邑既宅公得不留有卷
阿鳳凰之歌有既醉鳧鷖之雅謂之今日休
宜矣然而惟夷未滅徐奄未踐東夷未伐肅
慎氏未來謂之我成文王功于不急召公
得不留意哉吳氏之言可謂深達周公之心
而善達人情矣

公曰君予不惠若茲多誥予惟用閔于天越民

周公言我不順於理而若茲諄復之多誥耶

予惟用憂天命之不終及斯民之無賴也韓

子言畏天命而悲人窮亦此意前言若茲誥

故此言若茲多誥周公之告召公其言語之

際亦可悲矣

夏氏曰天命難諶民心難保大臣去留繫天命之從違

向背今召公欲去實周公之憂也○陳氏大

猷曰召公去則天命將替民生失所此周公

也
公曰嗚呼君惟乃知民德亦罔不能厥初惟其

終祗若茲往敬用治

上章言天命民心而民心又天命之本也故
卒章專言民德以終之周公歎息謂召公踐
歷諳練之久惟汝知民之德民德謂民心之
嚮順亦罔不能其初今日固罔尤違矣當思
其終則民之難保者尤可畏也其祗順此誥
往敬用治不可忽也此召公已留周公飭遣
就職之辭厥後召公既相成王又相康王再
世猶未釋其政有味於周公之言也夫

張氏曰召

公初輔成王有始矣而求去不能終也。董氏鼎曰一書之中首言憂國之心非人所知。次言天民可畏惟人是賴又次言殷先王與我文武得人之助然文王時五人至武王時

四人今又惟我二人而已君若求去豈我一人所能哉我憂之深是以留之切留之切是以言之詳名公同功一體之人均有忠君愛國之心者也安得不油然而感愴然而留哉○新安陳氏曰盤誥聲牙君奭允甚多不可解惟留名公之意可想耳姑采衆說之略通者兩缺其不可通者可也

蔡仲之命

蔡國名仲字蔡叔之子也叔沒周公以仲賢命諸成王復封之蔡此其誥命之詞也今文無古文有○按此篇次叙當在洛誥之前

惟周公位冢宰正百工羣叔流言乃致辟管叔

于商囚蔡叔于郭鄰以車七乘降霍叔于庶人
三年不齒蔡仲克庸祗德周公以為卿士叔率
乃命諸王邦之蔡

周公位冢宰正百工武王崩時也郭鄰孔氏
曰中國之外地名蘇氏曰郭彌也周禮六遂
五家為鄰管霍國名武王崩成王幼周公居
冢宰百官總已以聽者古今之通道也當是
時三叔以主少國疑乘商人之不靖謂可惑
以非義遂相與流言倡亂以搖之是豈周公
一身之利害乃欲傾覆社稷塗炭生靈天討

所加非周公所得已也故致辟管叔于商致
辟云者誅戮之也囚蔡叔于郭鄰以車七乘
囚云者制其出入而猶從以七乘之車也降
霍叔于庶人三年不齒三年之後方齒錄以
復其國也三叔刑罰之輕重因其罪之大小
而已仲叔之子克常敬德周公以為卿士叔
率乃命之成王而封之蔡也周公留佐成王
食邑於圻內圻內諸侯孟仲二卿故周公用
仲為卿非魯之卿也蔡左傳在淮汝之間仲
不別封而命邦之蔡者所以不絕叔於蔡也

封仲以他國則絕叔於蔡矣呂氏曰象欲殺
舜舜在側微其害止於一身故舜得遂其友
愛之心周公之位則繫于天下國家雖欲遂
友愛於三叔不可得也舜與周公易地皆然
史臣先書惟周公位冢宰正百工而繼以羣
叔流言所以結正三叔之罪也後言蔡仲克
庸祗德周公以為卿士叔率即命之王以為
諸侯以見周公遽然於三叔之刑幸仲克庸
祗德則亟擢用分封之也吳氏曰此所謂冢
宰正百工與詩所謂攝政皆在成王諒闇之

時非以幼冲而攝而其攝也不過位冢宰之位而已亦非如荀卿所謂攝天子位之事也三年之喪二十五月而畢方其畢時周公固未嘗攝亦非有七年而後還政之事也百官總已以聽冢宰未知其所從始如殷之高宗已然不特周公行之此皆論周公者所當先知也

問周公誅管蔡自公義言之其心固正大直截自私恩言之其情終有不自滿

康所以孟子謂周公之過不亦宜乎朱子曰是但

公當初做這一事也大段踈脫他也看那兄弟不

至親可恃不知他反去與那武庚同作一黨不知如何紂出得箇兒子也恁地狡猾想見

他當時日夜去炒那管叔說道周公是徐弟
今却欲篡為天子汝是兄今却只恁地管叔
彼他炒得心熱他性又急所以便殺出這件
事未李堯卿問是時可調護莫殺否曰他已
叛只得殺如何調護得蔡叔霍叔性較慢罪
較輕所以只因于郭鄰降于庶人想見當時
彼管叔做出這事來騷動許多百姓想見也
怕人鴟鴞害得猛義剛曰周公也豈不知管
也是彼他害得猛義剛曰周公也豈不知管
叔狡獪但當時於義不得封他曰看來不
是狡獪只是獸子周公使三叔監殷他却不
武庚叛此是一段大踈脫事若當時不便平
息得模樣做出西晉初年時事想見武庚日
夜去說誘三叔以西為周公弟也却在周作宰
相管叔兄也却去監商故管叔生起不肯之
心如武王○史記武王同母兄弟十人長伯邑
考次武王次管叔鮮次周公吹蔡叔度次霍
叔處○孔氏曰蔡仲能用敬德稱其賢也明
王之法誅父用子言至公也叔之所封圻內
之蔡仲之所封圻內

故取其名以名新國欲其戒之○唐孔氏曰
管在滎陽京縣東北不立管叔之後者罪重
或無子或有而不賢也杜預曰武王封叔度
於汝南上蔡胡徙新蔡昭侯徙九江下蔡圻
內蔡地不知所在○張氏震曰象得罪於舜
安得不貸之以思管叔得罪於周安得不斷
之以義霍叔不絕其身蔡叔不絕其子而管
叔獨不免誅絕恩與義並行而不悖也○林
氏曰蔡叔有罪則囚之○葉氏曰舜殛鯀而
禹封之不以父而棄○葉氏曰舜殛鯀而興
左傳定公四年云蔡仲改行率德周公舉之
以為已卿士已字極好玩味可見周公大聖
人蔡叔有罪而囚之有子仲祗德則以為已
卿士真與天地同其大也○蘇氏曰蔡叔未
卒仲無君國之理蒯瞶在而輒立衛所以亂
所以封仲必在
叔卒之後也

王若曰小子胡惟爾率德改行克慎厥猷肆予

命爾侯于東土往即乃封敬哉

胡仲名言仲循祖文王之德改父蔡叔之行
能謹其道故我命汝為侯於東土往就汝所
封之國其敬之哉呂氏曰敬哉者欲其無失
此心也命書之辭雖稱成王實周公之意

爾尚蓋前人之愆惟忠惟孝爾乃邁迹自身克
勤無怠以垂憲乃後率乃祖文王之勗訓無若
爾考之違王命

蔡叔之罪在於不忠不孝故仲能掩前人之
愆者惟在於忠孝而已叔違王命仲無所因

故曰邁迹自身克勤無怠所謂自身也垂憲
乃後所謂邁迹也率乃祖文王之彝訓無若
爾考之違王命上文所謂率德改行也呂氏
之新善著則父之舊德庶乎可掩蔡叔之惡
既無以貽子孫仲乃一國始封之祖創業垂
統之責繫焉盡進其步武自我作古克勤無
怠以垂法於後斯須之急則流弊或在於數
百年後不可不謹其源也○張氏曰邁迹自
身謂生於羣叔之間而能脫身自立為善○
陳氏傳良曰舜命禹未嘗戒以鯀周公命微
子未嘗及武庚今命仲而尤其父者於越人
疏之於其兄戚之也父子兄弟之間猶有諱
而不取盡言是愈疏矣成王於仲親親之道
也有禹故鯀得以郊有安世延年故張湯杜
周得不列於酷吏蔡仲在人其謂叔曰韋戕
有子如此歟故曰蓋前人之愆○西山真氏
日按書蔡仲之命爾尚蓋前人之愆惟忠惟

孝人子不幸如大禹之承鯀蔡仲之承蔡叔
又當思所以蓋之故治水成功而鯀配夏郊
率德改行而蔡叔世化豈非孝之大乎後世
如沈充叛臣也其子勁以死節著李義甫姦
臣也其子湛以忠義聞著勁與湛可謂能蓋
其父之愆矣○新安陳氏曰子能改父之惡
而為善則孝矣為子而孝斯為臣而忠古人
云求忠臣於孝子之門是惟忠本於惟孝也
克勤無怠以垂憲乃後即所謂
邁迹自身此一語不必分也

皇天無親惟德是輔民心無常惟惠之懷為善
不同同歸于治為惡不同同歸于亂爾其戒哉
此章與伊尹申誥太甲之言相類而有深淺
不同者太甲蔡仲之有間也善固不一端而
無不可行之善惡亦不一端而無可為之惡

爾其可不戒之哉

慎厥初惟厥終終以不困不惟厥終終以困窮

惟思也窮困之極也思其終者所以謹其初

也

呂氏曰建國之始必審其始而思其終終始具舉然後可久可大而不失其始而思其終終

初

而不思其終則終必困窮雖意然憂懼無

益

也語以謹始而即援以慮終竭兩端之教

也

○陳氏大猷曰仲率德改行能謹初矣尤

當

克勤無怠是在於惟厥終也○張氏曰感

激

者多說於初而怠於終

初

而怠於終

懋乃攸績睦乃四鄰以蕃王室以和兄弟康濟

小民

勉汝所立之功親汝四鄰之國蕃屏王家和

書傳卷之八
協同姓康濟小民五者諸侯職之所當盡也

陳氏雅言曰此成王命蔡仲為諸侯傳云五者諸侯職之所當盡也所謂畫一以告之亦以見侯職之所當盡者不一而足也

率自中無作聰明亂舊章詳乃視聽罔以側言
改厥度則予一人汝嘉

率循也無毋同詳審也中者心之理而無過
不及之差者也舊章者先王之成法厥度者
吾身之法度皆中之所出者作聰明則喜怒
好惡皆出於私而非中矣其能不亂先王之
舊章乎戒其本於已者然也側言一偏之言

也視聽不審惑於一偏之說則非中矣其能不
改吾身之法度乎戒其徇於人者然也仲
能戒是則我一人汝嘉矣呂氏曰作聰明者
非天之聰明特沾沾小智耳作與不作而天

人判焉

陳氏經曰舊章法度皆中之所寓度即舊章也舊章則已然之制度則當

然之制無非中也周公慮仲懲創乃父之愆用意過當反以生事為奇故有此戒○呂氏曰舊章往往不與新進喜事者合故作聰明者尤欲亂之聽覽不貴於速而貴於詳迎刃立決見事風生宜若可喜然忽略疎快動皆愆尤說姦言每垂其忽遽而入之惟詳其視聽安徐審訂表裏畢陳側媚之言將不得售故詳者乃聽覽之大法也規矩準度未至於樂循理者則常若為其繫維側言乃解其繫維而縱之放逸之場者故從之也輕仲以

英妙之年任國事周公老成深慮故戒如此
○陳氏大猷曰舊章常德則中道所存內不
變於已之私智外不變於人之私言則中道
合而侯職盡矣○陳氏雅言曰中者人心所
同有之理成王之命蔡仲特欲率之而已舊
章法度皆中之理所寓能遵夫舊章守夫法
度則不替於已然之法不廢其當然之制無
非中也苟不循聽明之自然則矜肆之心生
未免有非古之愆此非能率中者也常審視
聽之間則一偏之言易入未免有敗常之愆
亦非能率中者也故必循其聰明之自然而
不至於妄作則有所守而內無所恃孰肯非
古是今而亂先王之典章乎審於視聽之際
而不至於或苟則公心益持而私意不奪孰
肯從欲背理而更其當行之法度乎內外不
變則中道合理而侯職盡成王之於蔡仲勉
之者未幾而戒之者隨至也

王曰嗚呼小子胡汝往哉無荒棄朕命

飭往就國戒其毋廢棄我命汝所言也

董氏曰


此篇大體與微子之命相似而微子之辭溫厚蔡仲之辭嚴厲蓋微子先代之後周賓而不臣又本賢人也蔡仲父為不道忠孝兩虧已無足法所望仲能率祖德改父行邁迹自身以垂憲乃後耳蓋以拳拳圖終之說且戒之以無亂舊章無改法度無同歸于亂嗚呼

仁哉


書傳大全卷之八

八十一

書傳大全卷之八



書傳大全卷之八





卷二

詩經

